

贛州府志卷三十一

經政志


兵制

兵可百年不用不可一日無備自兵與民分而衛民之事益專且重矣贛據西江上游扼閩粵咽喉地稱險要唐置百勝軍南唐置昭信軍爾時備禦之法雖史缺無稽而已知其開宋元明之重鎮我

朝特設總兵官於贛碁布星羅有備無患營員兵額軍裝器械以時損益控制尤昭慎重溯自開寶以迄於今皆得詳其制至於營署詳官備次小校場詳雜



明制天下各設衛所以屯以守江西凡三衛而贛州居其一衛所之制五千六百人爲一衛一千二百二十八人爲一千戶所一百一十二人爲一百戶所洪武辛亥立贛州衛甲子從縣丞李子昭議立信豐守禦千戶所又從知縣黃六八行軍斷事馮忠議立會昌守禦千戶所衛設指揮使一員指揮同知二員指揮僉事四員鎮撫一員經歷知事各一員左右中前後五所正副千戶各一員百戶各十員鎮撫各一員每一百戶設總旗二名小旗十名信會二所設有千戶百戶等官又於險隘處設立長洛桂源磨刀平頭青塘新田迴龍衣錦湘鄉丞



名次號紅船四十五隻每船水手四名小號紅船六隻每船水手三名康熙三十三年奉文調撥在省應差大號船二隻次號船十六隻小號船一百八水手八十二名

鄉板石下河瑞林十三寨巡檢軍屯兵額各邑多寡不
同軍屯之外又有民兵民兵之外復有機兵弓兵之別
洪武初年設立民兵萬戶府簡民間武勇編伍操練有
事用以征戰無事仍還爲民有功一體陞賞贛縣機兵
二百二十名弓兵五十名雩都縣機兵一百三十八名
弓兵二十五名信豐縣機兵一百三十八名弓兵二十
五名興國縣機兵一百三十八名弓兵五十名寧都縣
機兵一百九十二名弓兵二十五名會昌縣機兵八十
八名弓兵五十名瑞金縣機兵一百三十八名弓兵二
十五名安遠縣機兵一百四十八名弓兵二十五名龍



南縣鄉兵四百二十名石城縣機兵一百五十名弓兵二十五名迨後添設定南長寧二縣定南縣操兵二百九十八名弓兵三十名長寧縣機兵一百五十名弓兵五十名十三寨巡檢司每寨各設弓兵一百名遞年漸減至二十五名正統十四年令各處招募民壯天順元年令民壯鞍馬器械悉從官給成化十九年復於會昌龍南石城添守備行司安遠瑞金設提備行司又於會昌設長沙營羊角水設提備所龍南又設提備行所成化二十三年李都御史昂請罷會昌原設守備改設參將統領汀州武平上杭及各衛所官軍并贛雩興寧民兵共七千宏治四年復裁參將設守備如故嘉靖十五年王都御史浚疏請設坐營官於府城專司團練三十年王都御史欽請復會昌參將四十年陸都御史穩請改參將爲神威營副總兵駐劄平遠縣統轄南贛雄韶惠潮汀漳郴桂撫吉各府衛州軍兵其駐會昌者仍設守備四十一年段御史顧言題改副總兵爲鎮守總兵移駐潮州與南贛相去遼絕於是吳都御史百朋請照先年仍設參將統攝贛雄汀漳南韶郴桂長沙營羊角水堡等處守備及坐營把總等官仍聽總兵節制隆慶五年自會昌移駐府城萬曆四年江都御史一麟平

黃鄉賊巢奏設長寧縣議以長沙營把總調守長寧建營安劄遞年添設湖陂捉殺下歷黃鄉雙橋五巡檢司裁革青塘長洛二司營將惟坐營參將二署設在城內祖制營將兵丁悉在城外建房住劄城中設有會廡有公事則就議焉贛衛在鎮南門外中所軍營在西津門外左所軍營在建春門外右所軍營在湧金門外前所軍營在百勝門外後所軍營在鎮南門外各有定址後王都御史守仁又於較場旁近葢兵兵房三百七十餘間於城東南隅另建小營房六十間募勇敢士居之爲親兵迨後寇亂平復兵歸大營所建小營房漸就傾圮

萬曆十一年王都御史緝撤而新之爲馬廐以居馬兵匾其門曰雲錦閑堂曰淵塞後爲馬王廟匾曰天駟行宮牧馬草場在鎮南門外

國朝衛所止供漕運而所改爲幫弓兵民壯止供役使鎮守則設總兵參遊以下遞相統攝今具南贛兵制於左鎮守南贛總兵官一員順治四年設統領左右中前後五大營駐劄府城小營二一橫岡駐劄定南一羊角駐劄會昌十一年改鎮標右營爲城守前營移駐興國康熙十三年三逆叛添設前右兩營遊擊守備官兵二十二年四方底定仍奉裁去營員兵額裁設規數詳各營

中營順治四年設遊擊一員守備一員千總二員把總四員外委四員道光間設額外一員馬步戰守官兵一千名康熙二十一年奉裁三百七十名三十四年裁二十一名四十七年裁十六名嘉慶二十年裁九十三名道光十二年裁十名二十二年裁六名現在額兵四百八十四名統轄府城及長寧縣

贛縣官村汛分防把總一員協防外委一員防兵三十一名六名興國江口信豐江口下湖三水塘分防把總一員興國江口水塘防兵五名信豐江口水塘防兵五名下湖水塘防兵十名儲潭水口橫莖三水塘分防把總一員協防外委一員儲潭水塘防兵八名水口水塘防兵十八名橫莖水塘防兵五名佛子烟旱塘防兵五名長寧縣汛分防把總一員協防外委一員防兵三十二名白石洲汛防兵二十名吉潭旱塘防兵十名城岡旱塘

防兵十名貼防南安營上信地汛防兵十名

長寧縣等汛弁兵現議撥歸羊角營管轄

官騎坐馬三十八匹戰馬四十八匹

鐵盔花甲四十八副鐵盔素甲九十三副年久破爛俱

奉劍停製鐵盔棉甲二百八十五副號帽四百六十二

頂號褂四百二十二件滾衣戰腰套褲四十套戰箭四

千五百五十枝烏鎗三百二十桿籐牌牌刀三十五副

挑刀五把大鐵斧八把雙手帶刀二十一口綠緞大旗

十面綠緞小旗五十面紅旗十一面先鋒旗五面號令

旗五面母子礮一位子砲五箇過山鳥礮二位擡礮十

七位夾帳房四十九架鐵鏟六百八十六箇鐵鋤鐵斧

鐮刀各六十張銅鑼鍋六十口涼篷二頂銅鐵什件腰

刀四百二十二口海螺三十箇預備三年火藥一萬四

百一十七觔八兩預備三年鉛觔八千二百三十二觔

十二兩

每歲額支官兵馬匹俸薪餉乾銀九千三百六十三兩

二分一釐四毫八絲正月至十月在贛關支領十一月

至十二月在藩庫支領

左營順治四年設遊擊一員守備一員千總二員把總四

員外委四員道光間設額外一員馬步戰官兵一千名
 康熙二十一年奉裁三百七十名三十四年裁二十一
 名四十七年裁十六名嘉慶二十年裁九十三名道光
 十二年裁十名二十二年裁六名現在額兵四百八十
 四名統轄零都安遠

贛縣龜尾水塘防兵十二名歐潭水塘防兵五名零都
 縣汛分防把總一員協防外委一員防兵四十名三門
 灘水塘防兵五名小溪口水塘防兵五名大江口水塘
 防兵五名齊茅水塘防兵五名興仁汛分防把總一員
 外委一員防兵三十名沽潭埠水塘防兵五名安遠縣
 汛分防把總一員協防外委一員防兵三十八名鶴仔
 墟旱塘防兵十二名貼防南安營上信地汛防兵十二
 名
 官騎坐馬二十二匹兵戰馬四十八匹
 鐵盔花甲四十八副鐵盔素甲九十三副年久破爛俱

奉例停制鐵盔棉甲二百八十四副號幅四百六十一
 頂號褂四百二十一一件滾衣戰腰套褲四十套戰箭四
 千五百五十枝鳥鎗三百一十九桿藤牌牌刀各三十
 五副挑刀五把大鐵斧八把雙手帶刀二十口大旗十
 面小旗五十面紅緞紅旗十面先鋒旗五面紅旗一面
 母子礮一位子礮五位過山鳥礮二位擡礮十七位夾
 帳房四十九架鐵鏹六百八十六箇鐵鋤鐵斧鐮刀各
 六十張銅鑼鍋六十口涼篷一頂銅鐵什件腰刀四百
 二十一口海螺三十箇預備三年火藥一萬零三百八
 觔二兩四錢預備三年鉛觔八千一百八十四觔二兩
 四錢
 每歲額支官兵馬匹俸薪餉乾銀八千六百二十一兩
 四分五釐八毫八絲正月至十月在贛關支領十一月
 至十二月在藩庫支領

後營順治四年設遊擊一員守備一員千總二員把總四

員外委一員道光間設額外一員馬步戰守官兵一千

名康熙二十一年奉裁三百七十名三十四年裁二十

一名乾隆十九年遊擊改爲都司裁馬戰兵一名步戰兵四名四十七年裁十六名嘉慶二十年裁八十八名

道光十二年裁十名二十二年裁六名現在額兵四百

八十四名統轄贛縣信豐龍南

現撥後營千總一員兵丁八十名於觀音閣

贛縣良富東塘分防把總一員協防外委一員防兵十六名良富西塘防兵五名下寒灘水塘防兵十名土牆

頭水塘防兵五名攸鎮水塘防兵十名下釜水塘防兵五名分水塘防兵五名黃金水塘防兵五名張邊

水塘防兵五名龍南縣汛分防把總一員協防外委一員防兵四十七名信豐縣汛分防千總一員協防外委

一員防兵四十七名烏漾灘水塘防兵五名鐵石口水塘防兵五名貼防南安營上信地汛防兵十名

龍南縣汛弁兵現議移駐橫岡營管轄官騎坐馬二十四匹兵戰馬四十八匹

鐵盔花甲四十八副鐵盔素甲一百副年久破爛俱奉例停製鐵盔棉甲二百七十八副號帽四百六十二頂

號褂四百二十二件淡衣戰腰套褲四十套戰箭四千七百六十枝烏鎗三百一十三桿藤牌牌刀各三十五

副挑刀五把大鐵斧八把雙手帶刀二十一口大旗十面小旗五十面紅旗十面先鋒旗五面紅旗一面母子

礮一位子砲五箇過山鳥砲二位擡礮十七位夾帳房四十九頂鐵鍬六百八十六箇鐵鋤鐵斧鐮刀各六十

張銅鑼鍋六十口涼篷一頂銅鐵什件腰刀四百二十

二口海螺三十箇預備三年火藥一萬三千五百五十八觔

十五兩一錢預備三年鉛筋八千一百九十七觔五兩

每歲額支官兵馬匹俸薪餉乾銀八千四百一十七兩

二錢九分九釐九毫二絲正月至十月在贛關支領十一月至十二月在藩庫支領

城守營卽右營順治四年設六年改右營爲城守營副將一員中軍守備一員千總二員把總四員馬步戰守兵

一千名又歸并道標兵一百名共一千一百名康熙六

年副將奉裁止設守備一員千總一員把總二員官兵

六百名十五年吳逆梗化復設副將等官額兵如初制
二十二年寇平仍裁副將設都司一員把總一員外委
一員額外二員道光間增設一員兵二百三十三名乾
隆四十七年裁六名道光二十二年裁二名現在額兵
二百二十五名統轄贛縣分防塘汛無

官騎坐馬六匹兵戰馬二十四匹
鐵盔花甲二十一副鐵盔素甲四十九副年久破爛俱
奉例停製鐵盔棉甲一百一十三副號帽二百一十六
頂號褂一百八十五件滾衣戰腰套褲三十一套戰箭
二千三百九十枝烏鎗一百三十九桿籐牌牌刀各二
十六副挑刀五把大鐵斧四把雙手帶刀十二口大旗
四面小旗二十面紅旗五面先鋒旗五面海螺十箇母
子礮一位子礮五箇過山鳥礮一位擡礮九位夾帳房
二十一頂鐵線二百九十四箇鐵鋤斧鐮刀各二十
三張銅錘錘二十三口涼篷一頂銅鐵什件腰刀一百
八十五口預備三年火藥三千一百一十兩十四兩五錢
預備三年鉛船二千四十九船十二兩
每歲額支官兵馬匹俸薪餉乾銀三千八百四十三兩
三錢九分三釐九毫六絲正月至九月在贛關支領十
月至十二月在藩庫支領

興國營卽前營順治四年設初駐府城十一年將鎮標前

營移駐興國康熙六年將前營改爲興國營設守備一

員千總一員把總二員外委一員馬步戰守官兵原設

一千八名裁去其半二十一年奉裁二百四名三十四

年裁十名存二百九十名雍正九年專營守備改爲都

司乾隆三十二年裁把總一員裁兵八十四名四十七

年裁二十六名現在額兵一百八十名統轄興國

岸石汛分防把總一員防兵十六名均村汛分防外委一員防兵十名長運口汛防兵五名根邊汛防兵五名營前汛防兵五名東村汛防兵五名南村崗汛防兵五名觀音均汛防兵五名寺壩汛防兵五名石善水塘防兵五名駐防泰和縣白羊均汛防兵十名官騎坐馬八匹兵戰馬十七匹

鐵盔花甲十七副鐵盔素甲二十九副年久破爛俱奉例停製鐵盔棉甲一百副號帽褂一百四十五副號帽滾衣戰腰套褲各二十四副戰箭二千四百一十枝烏鎗一百二十四桿籐牌牌刀各二十四副挑刀二把雙手帶刀十把大旗六面什長旗三十面紅旗八面先鋒旗十面五色號令旗五面母子礮一位子礮五箇過山烏礮一位擡礮三位夾帳房二十一頂鐵鑊二百九十箇鐵鋤鐵斧鐮刀各二十一張銅鑼鍋二十一口涼蓬一頂腰刀一百四十五口海螺二箇預備三年火藥二千八百六十觔一兩四錢預備三千鉛觔一千九百五十六觔二兩四錢
每歲額支官兵馬匹俸薪餉乾銀三千一百三十五兩三錢九分三釐九毫六絲正月至九月在額關支銀十月至十二月在額關支銀

橫岡營順治八年設駐劄定南下厯司守備一員把總一

員馬步戰守官兵三百二名康熙二十一年奉裁一百名三十四年裁七名又裁二名存一百九十三名雍正

十一年專營守備改為都司乾隆四十八年裁兵十三名現在額兵一百八十名統轄定南

定南廳汛分防把總一員協防外委一員防兵五十七名團魚邏汛防兵十名

官騎坐馬六匹兵戰馬十七匹

鐵盔花甲十七副鐵盔素甲四十三副年久破爛俱奉例停製鐵盔棉甲九十四副號帽一百七十四頂號箭一百五十三件滾衣戰腰套褲二十一副戰箭二千八十枝烏鎗一百一十桿籐牌牌刀各十六副挑刀四把大刀二把雙手帶刀五把鈇頭二把鈇鑊二把大旗四面小旗二十面紅旗四面先鋒旗十面號令旗五面母子礮一位子礮五位過山烏礮二位擡礮三位夾帳房

十九頂鐵鍬七十六個鐵鋤鐵斧鐵刀各十九張銅錫
鍋十九口涼篷一頂腰刀一百五十三口海螺十箇預
備三年火藥二千六百七十五斤十三兩二錢預備三
千鉛筋一千九百一十一筋六兩
何歲額支官兵馬匹俸薪餉乾銀三千七十六兩五錢
九分三釐九毫六絲正月至九月在贛關支領十月至
二月在藩庫支領

羊角營順治七年設駐劄會昌縣羊角水堡守備一員把

總一員馬步戰守官兵三百名康熙二十一年奉裁一
百名三十四年裁七名存兵一百九十三名雍正十年
專營守備改爲都司把總一員外委一員道光間設額
外一員乾隆四十七年裁兵十二名現在額兵一百八
十一名統轄會昌

會昌縣汛分防把總一員防兵三十七名盤吉隘汛防
兵八名縣西門外水塘防兵五名洛口水塘防兵五名
珠蘭鋪水塘防兵五名來龍鋪水塘防兵五名官豐汛
防兵五名羊石隘汛防兵五名湘鄉司背水塘防兵五
名

官騎坐馬六匹兵戰馬十七匹

鐵盔花甲十七副鐵盔素甲四十三副年久破爛俱奉

例停製鐵盔棉甲九十七副號帽一百七十五頂號褂

一百五十六件滾衣戰腰套褲十九套戰箭二千四百

一十枝烏算一百一十六桿藤牌牌刀各十九副雙手

帶刀五把大旗四面小旗二十面紅旗四面先鋒旗十

面五色號令旗五面母子徽一位子徽五位過山鳥徽

一位檯礮三位夾帳房十九頂鐵鍬一百五十二箇鐵

鋤鐵斧鐵刀各十九張銅鑼錫十九口涼篷一頂銅鐵

什件腰刀一百五十六口預備三年火藥二千四百八

十勛十五兩四錢預備三年鉛筋一千四百八十一筋

十五兩四錢
何歲額支官兵馬匹奉薪餉乾銀三千八十八兩五錢

九分三釐九毫六絲正月至九月在贛關支領十月至
十二月在藩庫支領

頤州府志卷三十二

經政志

武事

漢高帝六年灌嬰渡江破吳郡長遂定吳豫章會稽郡

漢書

灌嬰傳

本仁按謝志云漢高帝六年穎陰侯灌嬰畧定江南置豫章郡顛雩隸焉南粵尉佗數擾邊嬰將兵擊之駐於雩都築城東溪後克捷雩人卽其駐壘處立廟祀之名曰昌文侯廟張志仍之竇志據史記漢書列傳嬰定豫章在高帝未卽位之先其在五年明矣嬰定豫章後還定淮北以云擊尉佗事亦未合

武帝建元六年閩粵擊南粵南粵不敢擅發兵以聞上遣

大行王恢出豫章大司農韓安國出會稽兵未踰嶺閩

卷三十二
終

粵王發兵距險其弟餘善與宗族謀鏹殺王奉其頭致

大行馳報天子詔罷兩將軍兵漢書閩粵王傳

本仁按兵未踰嶺似專指出豫章言故錄之綱目事在六年秋八月豫章書作二年者誤使鄱陽令唐蒙風曉南越本同時事郭亦誤載

元鼎五年秋主爵都尉楊僕為樓船將軍出豫章下橫浦

漢書南越王傳六年冬漢破番禺閩粵王傳楊僕上書願引兵擊東

越上不許令諸校屯豫章梅嶺以待命明年秋東越王

餘善聞漢兵臨境遂發兵反距漢道號將軍騶力導為

吞漢將軍入白沙武林梅嶺上乃遣中尉王温舒出梅

嶺擊東越謝志參閱粵王傳

本仁按梅嶺在虔化縣東北一百二十里非今之庚嶺也

獻帝建安四年冬十一月孫策狗豫章分豫章為廬陵郡

以從弟輔為廬陵太守通鑑時丹陽僮芝自署廬陵太守

芝病輔遂得進據廬陵三國志注引江表傳

本仁按時顛地猶屬廬陵後乃析為廬陵南部也

吳嘉禾三年冬十一月廬陵賊李桓等為亂明年夏遣呂

岱討之吳主傳時桓合會稽東冶賊隨春南海賊羅厲等

一時並起詔岱督劉纂唐資等分部討擊春即時首降

岱拜春偏將軍使領其衆厲等皆見斬獲參呂岱傳中郎將

吾榮獲李桓吳主傳嘉禾五年事

嘉禾六年鄱陽郡民吳遠等殺中郎將周祇攻沒諸縣豫章廬陵宿惡民並應遽為寇陸遜討降之

參陸遜傳

吳赤烏元年夏呂岱討廬陵賊畢還陸口

吳王傳

本仁按廬陵南部所自嘉禾五年前所謂廬陵猶統頓等五邑而一五年岱乃還故併錄此條以終言之

晉武帝太康八年冬十月南康平固縣吏李豐反聚眾攻

一郡縣自號將軍捕討伏誅

武帝紀

本仁按太康三年改廬陵南部為南康郡即今贛郡地平固縣即今興國地張志渴通志載之

愍帝建興三年三月豫章內史周訪擊杜宏走之

愍帝時紀

命訪與諸軍共征杜宏

宏自永嘉五年陷長沙自稱平難將軍湘州刺史

於豫

章陣斬張彥安還湘州遣杜宏出海昏訪與戰賊敗退

保廬陵訪復圍之宏突圍而出入南康太守虞潭將兵

逆擊又破之宏奔臨賀

參周訪傳

杜宏將杜宏南走廣州求

討桂林賊自效王敦許之陶侃拒宏不得進乃請零陵

太守尹奉降奉送宏與敦用為將遂見寵待南康人何

欽所居嶮固聚黨數千人敦就加四品將軍

王敦傳

安帝義熙六年春二月徐道覆寇南康陷之道覆盧循之

姊夫也循假廣州刺史時署道覆為始興相道覆乃使

八伐船材於南康山至始興賤賣之船材大積而人不

疑至是悉取以裝艦旬日而辦循自始興寇長沙道覆

寇南康廬陵豫章諸郡皆陷時諸葛長民率衆人衛表
曰妖賊伐船集木而南康相郭澄之隱蔽經年罪合斬
詔原之後遣覆戰敗還始興循走交州皆被殺傳首京

師參晉書通鑑紀事

宋武帝永初二年南康揭陽蠻反郡縣討破之宋書

明帝泰始元年冬十一月江州刺史晉安王子勳舉兵尋

陽鄧琬爲其謀主宋書本紀

時齊王率衆東北征討世子曠爲南康讓令琬遣收世

子鄧琬傳

桓康從齊武帝在贛縣武帝起義爲郡所繫康裝擔一

頭貯糝后一頭貯文惠太子及竟陵王子良自負至山

中與明容蕭欣祖等四十餘人相結破郡獄出武帝郡

兵追急康等死戰破之南史桓康傳

宋泰始元年齊武帝蕭蹟從辟州西曹書佐爲贛令江州

刺史晉安王子勳反帝不從命南康相沈肅之繫帝於

郡獄族人蕭欣祖門客桓康等破獄迎出帝肅之率將

吏數百人追擊帝與左右拒戰生獲肅之斬首百餘級

遂率部曲舉義兵錄策府元龜於南史桓康傳後以備合參

世子自號寧朔將軍與南康相沈用之等據郡起義琬

徵始興相殷孚爲御史中丞並令率郡人俱下鄧琬傳

殷孚將萬兵赴子勳於尋陽或勸帝擊之帝以衆寡不敵避遁揭陽山聚衆至三千人子勳遣其將戴凱之爲南康相及軍主張宗之千餘人助之帝引兵向郡擊凱之別軍主程超數百人於南康口又進擊宗之破斬之遂圍郡城凱之以數千人固守帝親率將士盡日攻之城陷凱之走殺僞贛令陶冲之帝卽據郡城遣軍主張應期鄧惠眞將三千人襲豫章子勳遣軍主張秀之等七千人拒應期於西昌築營壘交戰不能決聞帝將自下秀之等退散

宋書

孚既去始興以郡五官掾譚伯初留知郡事士人劉嗣

祖斬伯初據郡琬遣韋希眞楊宏之討嗣祖嗣祖亦遣

衆出南康與齊王世子合希眞等以義兵強盛住廬陵

不敢進

鄧琬傳

本仁按或稱世子或稱帝史家立言之體異也或屬子勳或屬鄧琬子勳時年十一事皆琬主之耳

齊武帝永明三年春正月以大司農劉楮爲交州刺史發

南康廬陵兵討李叔獻

叔獻本交州刺史既受命而斷割外國貢獻故討之

懼爲所襲問道自湘州還朝

通鑑

和帝中興元年蕭穎胄弟穎孚在京師廬陵人修靈祐

南史

作修竊將南上於西昌縣山聚兵二千人襲郡內史謝

卷奔豫穎孚靈祐據郡求援穎胄遣范僧簡入湘州

南道援之進克安成以爲安成內史拜穎孚爲廬陵內史合二郡兵出溢口東昏侯遣軍主劉盆劉希祖南討之南康太守王丹保郡應盆等穎孚聞兵至望風奔走

兵敗尋卒 南齊蕭穎曹傳

梁武帝大同八年安成人劉敬宮挾妖道聚黨攻郡蕭裕

南康廬陵屠破縣邑有衆數萬豫章內史張綰暨司馬

王僧辨帥兵討平之 參梁書張綰傳

簡文帝大寶元年正月始興太守陳霸先赴侯景之難發

始興次大庾嶺蔡路養 南康土豪 將二萬人軍南埜以拒之

霸先遣其前軍杜僧明周文育與戰路養妻侄 據南史蕭摩訶

傳當作 蕭摩訶年十三單騎出戰無敢當者僧明馬被

傷霸先馳救之授以所乘馬僧明上馬復戰衆軍因而

乘之周文育爲路養所圍矢石雨下所乘馬死文育右

手搏戰左手解鞍潰圍而出與僧明等並力復進遂大

敗之路養脫身走 參杜僧明周文育等傳及豫章書 霸先進頓南康湘

東王繹承制授霸先交州刺史改封南野縣伯於是修

理崎頭古城徙居之 陳武帝本紀

夏五月高州刺史李遷仕反據大舉口遣其將杜平虜

入顛石魚梁作城逼南康霸先命周文育擊走之文育

據其城遷仕聞平虜敗選精兵自將擊文育文育與戰

遷仕稍卻會霸先遣杜僧明來援別破遷仕水軍遷仕
衆潰不敢過大舉直走新淦遷仕又與寧都人劉孝尚
本紀并力將襲南康霸先又遣文育與侯安都杜僧明
作譚

等築城於白口舊志作拒之相持百餘日次年三月文

育頻出與戰遂擒遷仕送南康斬之周文育
等傳

廣州都督蕭勃徵兵援臺城高州刺史李遷仕據大泉

口遣召高涼太守馮寶寶欲往夫人洗氏疑其反止之

數日遷仕果反遣主帥杜平虜率兵入贛石城魚梁以

逼南康洗氏謂寶曰平虜與官軍相持勢未得還遷仕

在州無能爲也宜遣使告之曰身未敢出欲遣婦往參

彼必喜而無備我將千餘人步擔雜物唱言輸賫得至

棚下賊亦可圖從之遷仕果不設備洗氏襲擊大破之

遷仕走保寧都文育亦擊走平虜據其城洗氏以兵與

霸先會於贛石還謂寶曰陳都督非常人也甚得衆心

必能平賊君厚資給之參北史
豫章書

侯景寇京師帝起義發兵自南康南康贛石舊有二十

四灘灘多巨石行旅以爲難帝之發也水暴起數丈二

百里巨石皆沒進軍頓西昌有龍見水濱南史陳高
祖本紀

冬十月南康內史蕭勸與南康王會理謀誅侯景事發

俱遇害南史
本傳

敬帝太平二年二月廣州刺史蕭勃舉兵自廣州度嶺頓南康遣其將歐陽頎傅泰及其子孜為前軍至豫章分屯要險詔周文育督兵討之

陳武帝本紀

時新吳洞主余孝

頃舉兵應勃出豫章據石頭勃使其子孜將兵與孝頃

會又遣別將歐陽頎頓軍苦竹灘傅泰據臨口城

在南康郡

之北以拒官軍文育遣嚴威將軍周鐵虎與長史陸山才

襲頎擒之因攻傅泰克之勃在南康聞之眾皆股栗其

將譚世遠斬勃欲降為人所殺世遠軍主夏侯明徽持

勃首以降

周文育傳

陳後主禎明二年隋師渡江宜黃侯慧紀遣南康太守昌

肅將兵拔坐峽以五條鐵鎖橫江肅竭其私財以充軍

用

陳書列傳

隋文帝開皇九年滅陳遣總管韋洸安撫嶺外陳將徐璿

以南康拒守洸至嶺下不敢進晉王廣遣陳主遺譙國

夫人洗氏書諭以國亡令其歸化夫人驗知陳亡遣其

孫魂率眾迎洸入至廣州嶺南悉定

隋書列女傳

開皇十年裴矩奉詔巡撫嶺南時高智慧汪文進等作亂

吳越道閉矩請速進行至南康得兵數千人擊破廣州

匡帥王仲宣兵於大庾嶺仲宣潰散還報上大悅顧謂

高頎楊素曰韋洸將二萬兵不能早渡嶺裴矩以三千

敝卒徑至南康有臣若此朕亦何憂以功拜閔府勳爵

縣公裴矩傳

本仁按自晉太康三年至此凡稱南康皆指今贛郡

煬帝大業十二年冬鄱陽賊帥操師乞反以其鄉人林士

宏為大將軍攻陷郡邑詔遣治書侍御史劉子胡將兵

討之師乞中流矢死士宏收其衆十餘萬復大振十二

月士宏自稱皇帝國號楚遂取九江臨川南康宜春等

郡諸郡多殺守令以附士宏北盡九江南盡番禺悉為

所有唐武德五年士宏請降尋死其衆解散唐書參謝志

十三年張善安渡江歸林士宏於豫章士宏疑之營於南

塘上善安襲破焚其郛郭而去士宏徙居南康豫章書善

安兗州方與人亡命為盜依林士宏不見信憾之反襲

士宏焚其郛士宏去保南康蕭銑取豫章善安奪其地

據以歸國授洪州總管唐書本傳

本仁按謝志云士宏據虔州自號南越王已而僭號楚稱皇帝然士宏為善安所襲始徙居南康則僭號在洪不在虔矣

唐高祖武德五年冬十月楚王林士宏卒其衆遂散通鑑綱目

士宏請降復遁保安城山袁人相聚應之為張善安所

察以兵赴討會士宏死黨乃解林士宏傳

肅宗至德二年二月江南採訪使李成式討承王璘璘敗

走死

通鑑綱目

璘與高仙琦奔鄱陽焚城門以入收其庫兵掠餘千將走嶺表江西採訪皇甫旆兵追及之戰大庾嶺璘中矢

被執旆殺之其子傷為亂兵所害仙琦逃去

承王璘傳

本仁按掠餘千而走嶺表嶺地在所必經故有大庾嶺之戰錄補之

代宗大曆八年循州刺史哥舒晃反殺節度使呂崇賁詔

江西都團練使路嗣恭統五嶺兵討之駐師於虔秋毫無犯民感其德為建生祠刺史孟瑤聞於朝顏真卿為

之記十年克廣州斬哥舒晃

唐書參謝志

僖宗乾符五年寇賊黃巢陷虔吉饒信等州

通鑑綱目巢乞

降復叛轉寇浙東高駢遣將張璘梁繼攻賊破之賊收

衆踰江西破虔吉饒信等州刊山開道直趨建州

黃巢傳

光啟元年春正月南康賊盧光稠陷虔州

唐書本紀

自稱刺史

以其里人譚全播為謀主

豫章書

盧光稠譚全播皆南康人光稠狀貌雄偉無他材能全

播勇敢有識畧然全播常奇光稠為人唐末羣盜起全

播聚眾立光稠為帥是時王潮攻陷嶺南全播攻潮取

其虔韶二州

五代史

全播推光稠為之謀主所向克捷光

啟初據虔州光稠自稱刺史天復中取韶州使其子延

昌守之

十國紀年

本仁按五代史以爲同時取虔詔二州誤今從新紀

是年詔招撫秦宗權責租賦於光州刺史王緒緒不能

給宗權怒發兵擊之緒悉舉光壽二州兵五千人驅吏

民渡江以劉行全爲前鋒轉掠江洪虔州陷汀漳前鋒

將擒緒而奉王潮

通鑑

壽春屠者王緒與妹婿劉行全聚眾據壽州自稱將軍

復取光州提二州籍附秦宗權宗權以爲光州刺史召

其兵復擊黃巢緒遲留不行宗權發兵攻緒緒率眾南

奔畧潯陽贛水陷汀州自稱刺史皆不能有也

十國春秋

昭宗景福元年六月劉建鋒馬殷收餘眾走洪州

通鑑忠綱

武軍部將劉建鋒與孫儒馬殷同事秦宗權至是孫儒

兵敗爲楊行密所殺建鋒殷收散卒轉寇江西有眾七

千推建鋒爲帥殷爲前鋒張佶爲謀主畧洪虔數州眾

遂數十萬

唐書劉建鋒傳

天祐六年

梁開平三年

秋八月虔州刺史盧光稠以州附於淮

南亦遣使請命於梁

梁以爲百勝軍防禦使兼五嶺開

通使

豫章書

七年

梁開平四年

冬十二月防禦使盧光稠卒譚全播立其子

延昌淮南節度判官嚴可求請置制置使於新淦縣遣

兵戍之以圖虔州每更番輒潛益其兵虔人不覺也

十國

春秋

八年冬十二月百勝軍指揮使黎球五代史作求殺盧延昌而

代之梁以球為虔州防禦使十國春秋球暴病死牙將李彥

圖自立譚全播稱疾不出彥圖死州人相率詣全播第

請之全播乃起遣使請命於梁拜防禦使五代史

本仁按光稠卒五代史在開平五年十國春秋在四年傳聞異辭也謝志云彥圖死鍾傳盡劫其衆欲遣

其子匡時守之則舛誤傳死於天祐三年見本傳何由有劫衆遣代之事

十五年梁貞明四年冬十一月吳取虔州通鑑綱目春吳以右都押

衙王祺為行營都指揮擊全播於虔州嚴可求以厚利

募贖石水工吳兵奄至城下虔人始知之熟於水道故舟行無礙

七月軍中大疫王祺病以鎮南節度使劉信為虔州行

營招討使全播乞師鄰境吳粵閩楚皆救之楚將張可

求將萬人屯古亭閩兵屯雩都吳越錢傳球帥兵二萬

圍信州八月劉信遣將張宜夜襲楚兵與張可求戰於

古亭大破之又遣梁詮等擊吳越及閩兵二國聞楚兵

敗引去九月信攻虔州不克使人說全播取賂納質而

還時徐溫當國大怒曰信以十倍之衆攻一城而不克

何以威敵國乃授信子英彥兵三千與昇州內衙指揮

使朱景瑜俱往十一月信還擊虔州先鋒始至虔兵皆

潰遂拔虔州追執全播於雩都以全播為右威衛將軍

領百勝軍節度使 十國春秋

南唐保大元年 晉天福八年 冬十月嶺南妖賊張遇賢自嶺中

天入國王改元永樂羣盜皆絳衣問神所嚮神曰當過

嶺取虔州遂襲南康節度使賈浩不能禦遇賢據白雲

洞造宮室有衆十餘萬連陷諸縣元宗遣洪州營屯都

虞侯嚴思 十國春秋作嚴恩馬令南唐書作嚴思禮 通事舍人邊鎬率兵攻

之遇賢問神神不復語羣盜皆懼遂執遇賢以降 五代史南

唐世

虔有書生白昌裕沈密有謀邊鎬引與定計刊木開道

襲白雲洞會遇賢所事神棄去不復語賊衆遂潰其神

將李台執之以降 陸游南唐書 擒遇賢及賊副黃伯雄謀主

僧曹景全斬於建康市 馬令南唐書

宋太宗淳化元年以虔州大庾縣置南安軍 王存九域志 從楊

允恭請也 宋史本傳

仁宗皇祐四年儂智高陷昭州以孫沔為湖南江西安撫

使 綱目 兼廣南東西路以便宜行事沔請益發騎兵增

選偏裨求武庫精甲憂賊度嶺而北檄召淮南北兵

繕治營壘多具宴犒賊疑不敢進會遣狄青與沔會遂

敗智高 宋史本傳

本仁按儂寇之不犯嶺北沔之先聲有以奪之也功在斬獲上故錄之

英宗治平元年以蔡挺提點江西刑獄兼提舉

時鹽寇千百為羣患苦州縣挺諭所部與期使自首納

器甲原其罪得兵械萬計盜賊從此衰息宋史本傳

高宗建炎三年詔李邴膝康奉隆祐太后如洪州十一月

隆祐太后如虔州綱目續編四年三月遣盧益辛企宗奉迎

太后東還宋史本紀

太后至建康命劉寧止制置江浙衛往洪州命楊惟忠

將兵萬人為衛命同行滕康劉珪緩急取太后旨便宜

以行金兵自大冶縣徑趨洪州康珪奉太后行次吉州

為五日金兵追急御舟夜行至泰和縣舟人景信反楊

惟忠兵潰失宮人百六十人康珪俱遁兵衛不滿百亟

趨虔州孟后傳自萬安陸行太后及潘貴妃以農夫肩輿

行至虔州豫章書時虔州府庫皆空衛軍所給皆沙錢市

買不售與百姓交鬪縱火肆掠孟后傳大戶震驚土豪陳

新輩以赴難為名眾幾萬寨於梅林進偏南門楊惟忠

部將胡友自外引兵呼城內兵出戰新中流矢死眾遂

潰散謝志先是胡銓為撫州判官以漕檄攝虔州幕未至

而太后次吉州銓方在藉募鄉兵助官軍捍禦金兵太

后得脫幸虔宋史本傳金人追至皂口不及而還謝志

年虔州賊李汝仁舉兵破石城縣宋史本傳邑人陳誥及子

敏斬李世昌生擒李世立復石城謝志

紹興元年七月虔州賊陳顒作亂豫章書

二年三月李敦仁降及其徒皆援官豫章書四月陳顒焚龍

川縣命江西安撫使討之豫章書十二月虔州賊謝達犯

惠州陳顒陷汀州圍潮州不下引兵趨江西宋史宏簡錄

三年二月虔吉盜周十隆等連兵犯循梅汀州詔岳飛合

兵捕之夏六月飛遣張憲王貴擒斬虔賊彭友餘悉降

曲赦虔州飛班師留兵三千屯駐虔廣彈壓盜賊全上

宣諭劉大中奏令飛討虔吉諸郡盜賊固石洞賊彭友

悉衆迎戰躍馬馳突飛麾戈即馬上擒之餘皆退保其

洞高峻環水止一徑可入飛列騎山下令皆持滿遣死

士潛入賊巢黎明奮擊賊潰蔽山而下騎兵圍之賊號

呼丐命飛令勿殺受其降帝以隆祐太后震驚之故密

旨令屠虔城飛請宥不許請至再三帝乃曲赦虔虔人

感其德繪像祠之宋史岳飛傳飛自江州入朝帝手書精忠

岳飛字製旗以賜全上

四年秋八月周十隆降爲官軍所掠復遁豫章書

五年虔賊周十隆復叛宋史本紀以李綱爲江西安撫制置大

使綱目續編

周十隆張大開謝凱尹寶謝小鬼等攻破興國雩都虔

化瑞金等縣安撫使李綱遣州將何榮申討之復興國縣追至贛縣界殺死賊衆五百餘人後統制官李貴入

寨招諭其黨悉就撫而十隆不從張志據李忠定奏議

七年詔李綱趨捕虔吉諸盜責諸縣各募兵訓練閏十月

李綱罷宋史本紀

本仁按李忠定公奏議有論虔州盜賊劄子乞移總管虔州措置捉殺盜賊奏狀乞施行虔州占吝將兵奏狀乞差兵會合措置虔寇奏狀差官體究周十隆等受招安差人人幕告諭奏狀應副新虔州張豐錢糧在職待罪奏狀申督撫密院措置虔州盜賊狀申督撫密院具虔吉盜賊再乞防秋軍馬狀凡八篇

八年八月遣御史李寀論江西措置盜賊豫章書

十一年二月虔吉州盜悉平五月置江西總領軍馬錢糧

官豫章書

二十一年秋七月虔州軍卒齊述殺統制吳進同總領馬

晟據州叛八月遣殿前遊奕軍統制李耕討之十一月

李耕入虔盡誅叛兵事遂平宋史宏簡錄

七月東南第六將校齊述以八營四千人據州以叛脅

附者又四千人高宗命神龍衛四廂都指揮使忠州團

練使李耕護殿陛之師致討尋命守虔耕至軍於獅子

岡劉綱以洪州兵駐城之東南張亨以循州兵駐城之

南張訓通以鄂州兵駐於北陳敏以福建兵駐於東鄧

酢以寧都民兵扼水東王厯陳修年以漕屬給餉十一

月耕促雲梯天橋徑薄東北隅神臂弓交發命中礮十三梢飛石相屬敢死士先登賊棄城巷戰耕督麾下躡之賊敗縋西城訓通網扼其衝半溺於江餘轉走城突

張寧舉

城字下疑脫一南字

士鏖戰一賊不得縱耕築京觀列功

狀以聞將士遷秩有差桐鄉朱翌作記功碑

謝志

紹興二十二年虔卒齊述變逐守臣害官兵攻南安將窺嶺表知循州張寧命統領郭蔚裨將李忠屯兵境上以待賊知有備而止復嬰城以守劫前御史田如鰲入虔城稱已撫定然宵掠如故詔委寧措置會金房帥李耕罷還卽除殿前司遊奕軍統制就知虔州節制諸軍

楊和王遺寧書俾助耕措畫時諸軍以統帥被命者三以戍兵會者又數人咸欲急攻以求多寧曰兵法不得已則攻非良策也今日之急當塞其逸路彼雖守孤城直鼎魚假息耳乃環城植鹿角立木柵二日就賊以寧所當大南門最爲喉襟盡銳夜攻柵悉修之無得越者於是諸軍爭立柵賊始窮蹙寧度方寒洩賊必聚飲宜撩其不備亟屬諸軍奮擊而偏裨李進魏忠伍全等冒險先登一鼓克之初耕與諸軍約得城而下者死偪西隅池備賊二千餘突出將至南門寧亟令親兵數百

逆而下賊至不得逞力戰薄之於濠幾無噍類將士梟

其首數千於鹿角脯其尸食之寧曰嗜殺人者道家所忌盡取暴骸封為京觀時百姓死於兵疫弗克葬積屍盈城寧聚為叢冢命節度推官鄭厚銘其所且有邦伯

誠明之言士類稱之

胡銓澹庵集陽曲伯張寧墓誌銘

本仁按此與朱翌章貢紀功碑歸功於耕不同立言之體宜然也敘事更詳攻南安劫田御史皆謝志所漏封京觀銘叢冢忠簡是寧同時人所紀當更確備錄以資參考

二十三年二月巒虔州叛卒黃明等凡八人於都市改虔

州為贛州

豫章書

本仁按贛州之名始此

寧宗開禧中范應鈴知吉州贛叛卒朱先賊殺主帥應鈴

以此非小變也密遣業厚賞捕之部使者劾其輕發錫

一官
宋史本傳

理宗_丁紹定二年九月石城張遇龍文勝反於平固連破石

城寧瑞興雩五縣安撫李壽明通判趙彥單督兵討平之
張志

三年詔復贛吉建昌凡蠻獠竊發徑擾郡縣賦稅一年
宋史本紀

六年陳鞞知隆興府贛寇陳三槍據松梓山砦出江廣所

至殘虐遣官吏諭降輒殺之鞞乃決計除蕩詔節制江

西廣東福建三路捕寇軍馬
宋史本傳先是汀寇廖十六等

自建昌遁松梓山官兵攻破之起韓知南劍州江西招捕之職犄角平寇韓有威名多方畧招致廖寇俱隸麾下亂遂以平

劉燠汀寇紀畧

端平元年陳韓進江西安撫使兼知贛州至則斬將士之張皇賊勢及掠子女貨財者齊斂李大聲所至克捷分兵守大石堡斷賊糧道遂破松梓山親督諸將乘春瘴未生薄山下賊悉精銳迎敵韓軍步騎夾擊縱火焚其巢賊首張魔王自焚斬千五百級擒賊將十二得所掠婦女牛馬及僭偽服物各數百三槍中箭而遁追及下黃又敗之遁至興寧就擒斬隆興市所跨三路數州六

十點悉平之

宋史本傳

寶祐六年賊張半天等寇南豐調撫贛旗馬軍合寨尉卒

淮討擒其魁梟斬建昌

汀寇紀畧

度宗咸淳六年二月立贛吉南安要衝四砦

宋史本紀

吉贛南

砦數被寇寇出沒無時砦卒莫能相援因卽要害立四砦每砦屯兵百地勢聯絡禦寇爲便擇三郡將官領之

豫章書

恭帝德祐元年

元至元十二年

詔天下勤王江西提刑兼知贛州

文天祥奉詔涕泣發郡中豪傑得衆萬人遂入衛盡以

家資爲軍費

綱目續編

端宗景炎元年元至元十三年秋七月文天祥開府南劍州經畧

江西十月天祥帥師至汀州遣趙時賞等將一軍趨贛

以取寧都吳浚將一軍取雩都劉洙等皆自江西起兵

來會宋史紀事

景炎二年元至元十四年正月吳浚竊瑞金遁尋還汀州降二月

浚至漳州說天祥降天祥竄以大義斬之三月天祥取

興國縣五月天祥自撫州搃兵出江西入會昌縣六月

辛酉取雩都已卯入興國七月使趙時賞等分道復吉

贛諸縣遂圍贛州撫州人何時起兵來應江西宣慰使

李恒遣兵援贛自將兵攻天祥於興國天祥不意恒猝

至遣兵戰鍾步不利乃引兵就鄒瀨於永豐瀨兵亦潰

天祥至空坑兵盡潰挺身走循州諸將皆被執參宏簡錄宋史

紀事

恒追天祥至方石嶺及之鞏信以短兵接戰恒駭其以

寡敵衆疑有伏斂兵不進信坐巨石餘卒侍左右箭雨

集屹不動恒從間道視之創被體而死不仆天祥至空

坑兵盡潰趙時賞坐肩輿後元軍問爲誰時賞曰我姓

文衆以爲天祥擒之由是天祥得與杜澥鄒瀨乘騎逸

去宋史紀事

元世祖至元十六年二月勅贛州造戰船以征日本豫章書

十四年以邱順為隆昌萬戶討崖石寨太平巖諸賊有功

十七年陞鎮國上將軍都元帥鎮龍興吉贛盜起行省

遷元帥府以鎮之元史邱順傳

本仁按二十一年始改隆興為龍興傳內字誤

十七年授劉思敬為正奉大夫江西行省參知政事治吉

贛盜民賴以安元史本傳

二十一年三月置贛吉撫建昌戍兵元史本紀

二十四年贛汀二州盜起江西行省參政管如德指揮討

平之脅從者多所全宥元史本傳

二十五年七月以連歲盜起免南安瑞贛三路逋稅宏簡

錄

二十六年廣賊鍾明亮寇贛州掠寧都據秀嶺詔遣江西

省參政管如德為左丞將兵往討五月明亮率眾降閩

十月復叛江羅等應之詔月的迷失復與福建江西省

合兵討之且詣旨明亮既降令遣赴闕而汝玩常不發

致有是變自今降盜其即遣之元史本紀湖廣省臣言近招

降贛州胡海等令將其眾屯田自給今過耕時不恤之

恐生變命贛州路發米千八百九十石賑之全上

冬十月月的迷失以賊首邱應祥董賢舉歸京師鍾明

亮復反陳邦瞻元史紀事

是年葉仙鼐為江西行省平章政事巨盜鍾明亮等

為害仙鼐討平之

元史本傳

本仁按葉仙鼐當是同管如德於二十六年平明亮者葉為行省平章政事管為行省參政故其本傳皆云討平明亮也元史作仙鼐竇志改作鼎反云安志作鼐者誤未是

二十七年二月江西羣盜鍾明亮等復降詔徙為首者至

京餘黨給糧五月江西行省管如德江西行院月的迷

失合兵討反寇鍾明亮降詔縛致闕下如德等留不進

明亮復率眾寇贛州樞密院以如德等違詔縱賊請誅

之詔罷江西行樞密院移江西行省於吉州以便捕盜

以外刺帶為左丞江西行省言吉贛湖南廣東福建以

禁弓矢賊益發乞依例許尉兵持弓矢從之八月以南

安贛建昌豐州罹明亮之亂悉免田租

元史本紀

至元中 信豐寇起僉江西行中書省事李世安冒雨夜

行五十里抵賊巢出其不意盡殲之後賊黨復聚凡十

七寨世安招之出降斬首惡六人

信豐縣志

本仁按竇志謂時世安駐劄贛州就近捕斬招降當另為一事在明亮後其或然歟至謂江西行省上言即李世安則臆說矣考劉璠平寇碑云至元戊子奮寇鍾明亮起臨汀明年邱元起廣昌與明亮犄角遂及南豐又明年賊犯南豐參政李世安率諸將討之元之策殲其渠邱元敗而明亮孤不數日賊悉平按戊子是至元二十五年其又明年則亦二十七年事也附錄於此以補舊志所遺

二十八年七月徙汀州江西行樞密院於贛州

謝志

三十年二月以韶贛相去地遠分贛州行院官一員於韶

州謝志

成宗元貞元年六月吉贛南安等處蠻寇竊發以軍民官

備禦不嚴撫字不至皆責而降之

元史本紀

二年十月贛州盜起江西行省左丞董士選擊平之

綱目續編

贛州民劉六十聚眾至萬餘建立名號朝廷遣將討之

多觀望不進賊勢益盛董士選請自往進至興國距其

營百里命將校分兵守地悉置激亂之人於法復誅姦

民為賊囊橐者於是民爭出自効不數日六十就擒餘

黨悉散士選遣使奏聞但請黜贖吏數人畧不及破賊

事時稱其不伐

元史紀事

董士選陞江西左丞辟元明善為省椽會贛州賊劉貴

反明善從士選將兵討之擒賊三百人明善議緩証誤

得全活者百三十人將佐白宜多戮以張軍聲明善固

爭以為王者之師恭行天罰小醜陸梁戮其渠魁可爾

民何辜焉既又得賊所書贛吉民丁十萬於籍請火之

以滅跡二郡遂安

元史元明善傳

大德二年七月吉贛立屯田

元史本紀

仁宗延祐二年七月贛州土賊蔡五九聚眾作亂遣兵

捕之八月蔡五九陷汀州寧化縣僭稱王號詔遣江浙

行省平章張驢等率兵討之臺臣言蔡五九之變皆由
 昵匪馬丁經理田糧與郡縣橫加酷暴逼抑至此信豐
 一縣撤民廬千九百區夷墓揚骨虛張頃畝流毒居民
 乞罷經理及冒括田租制曰可九月蔡五九衆潰伏誅
 餘黨悉平敕賞軍士討捕功并官死事者子孫元史本紀
 四月寧都賊蔡五九聚衆免子寮五王廟張漢高旗幟
 殺趙同知閩州城燒四關勢甚猖獗奏遣張驢會江浙
 兵討之五王廟者邑妖祠也像設極魔怪人莫敢側目
 土人類縛生口以祭我軍見之畏縮押錄王榮叔獨奮
 義火之三火三滅乃取婦人褻衣繫神首一火而燼遂

平其城石城弓兵采伏成於木麻坑擒五九伏誅謝志

五年十月贛州路零都縣里胥劉景周以有司徵括田新

租聚衆作亂救免徵新租招諭之元史本紀

順帝至正十二年淮寇起所過會昌興國皆陷贛州路通

判王榮忠駐劄零都募鄉勇練習十三年二月王榮忠

引兵復會昌零都縣志

十八年九月陳友諒陷贛州路江西行省參知政事全普

菴撤里及總管哈海赤死之元史本紀

江西下流諸郡皆爲友諒所據乃與總管哈海赤戮力
 同守友諒遣將幸文才率兵圍贛使人脅之降普菴撤

里斬之環甲拒戰凡四月兵少食盡義兵萬戶馬合某
 沙欲舉城降遂自到事聞贈諡曰愀哀哈海赤亦不降
 見殺 元史全普
 菴撤里傳

先是全普守贛以威斷著功名至正十六年陞江西參
 政哈海赤代之政亦猛厲不可近十八年江西下流諸
 郡皆為陳友諒所據有詔晉取袁州普次吉安時員外
 吳彥誠為吉贛總兵官其裨將明志高林伯顏武端等
 皆驍勇偽漢陳平章既取江西遣宜慰幸文才等狗上
 流郡縣五月兵至吉安志高殺伯顏武端以城降全普
 棄其師載輜重單舸還走贛與哈海赤同為城守八月

民間食盡九月軍無見糧而守益力父老懇曰食盡矣
 如一城生靈何哈海赤知勢不可支語帳前軍校法昌
 等曰爾幸民兵血戰導我出城爾等還以城降我入南
 中圖興法昌等猶豫義兵萬戶馬合穆沙禿倫歹等殺
 普以狗城中然後縛哈海赤出降至城外哈海赤望見
 賊兵大罵已而曰與汝戰者我也毋殺我百姓當速殺
 我遂遇害偽兵入城憤其久不下燔劫一空居民殲焉
 明志高以歸降署為廣東都元帥至是城破矜功愈驕
 幸文才殺之全普守贛時懷謝氏宿憾自成丁以上非
 遠徙則死徃行且連逮其親戚十七八家再至吉安所

沒入益復不背故死於帳下而人不憐謝志

袁兵逼城屯藤橋丁酉案至正十七年正月廬陵陳璣出屯城

北之青湖二月吳都事案即吳彥誠命兵校明某案即明志高下

桐江計事不報入蘭溪召不至五月桐江李彬誅六月

袁州兵退秋明某歸以其屬屯太和之永和十一月明

某矯殺騎將林伯顏武端不問戊戌即十八年正月全參政

兵亂逐鎮撫吳林三月梁太守卒安成兵自去冬侵掠

北境四月復至桐江五月初四退初十戊申分宜袁雲

飛導沔兵至己酉義士劉照與戰於吉水之灘庚戌明

某以都事之象降辛亥傳於城錄事張元祚與攝監郡

雅某降全參政奔贛參謀蕭彝翁死之陳璣召安成兵

入城六月吳都事將其屬居吉水之蘆兜郭銓悲廬陵詩序

至正十五年全普由贛守陞江西參政守袁州十六年

秋次泰和十七年夏次吉安十八年五月偽兵至倉卒

棄其師單船還走贛哈海赤拒不納逮偽兵壓城始納

之是日為帳下所殺不勇於守袁而勇於走贛不死於

勤王而死於旅人崎嶇道途羈旅栖屑何其悲耶陳諫海桑

集

正月十八日全參政軍中告變縛致都事哈刺台小鎮

撫阿思蘭不花萬戶張定住將戮之十九日昧爽其麾

下擁眾扼全舟，勝取二人入城，閉關縱兵大掠。全由此失勢。四月二十七日，吳員外部將明塔普台潛蓄異志，忌同列林伯顏、武端、臬勇，挾詐殺之，誣以謀逆。吳不能制，又參政軍令喪馬一疋，償白金一百兩，是蓄不戰之馬也。全子仁，高昌人，其志專在吞吳。謂初事吳不都刺恐其成功。俱周霆震紀實詩序

本仁按周霆震又有海全二參政詩云：棄舟窮走計，全軀全力戰。憑城志掃除，海身死不殊。心死異海全，他日付誰書。周在當時口擊其事，與海桑集所載畧同。謝志紀事中亦多微詞，則元史之多溢美，可例斷也。附錄於右，以俟後之君子論定焉。

陳友諒黨熊天瑞陷贛州，遣指揮王興據南安。江西大志

二十四年明太祖吳元年二月，陳理降熊天瑞，尚據贛州。命常遇春、鄧愈率兵討之。遇春既復吉安，引兵趨贛州，圍城未下。

明史紀事太祖命平章彭時中以兵會遇春等共擊之。又命中書右司郎中汪廣洋參謀軍事，傳帝命諭遇春以

保全生民為心，勿多殺。遇春乃浚濠立柵以圍之。謝志

次年正月，天瑞援絕糧盡，遣子元震出降。天瑞肉袒詣軍門，盡獻其地。遇春送天瑞建康。全帝聞克贛，不殺喜甚，遣使褒諭。先是天瑞橫斂民財，悉命罷之，并免甲辰

秋糧之未輸者。明史紀事參謝志陸仲亨從遇春討贛州，天瑞

降為贛州衛指揮使，節制嶺南北。新附諸郡調兵克會

昌悉平諸山寨

明史本傳

熊元震本姓田氏善戰有名天瑞養以為子常遇春之

圍顛也元震竊出覘兵勢遇春亦引數騎出猝與相遇

元震不知為遇春過之及遇春還始覺遂單騎前襲遇

春遣從騎揮刀擊之元震奮鐵槌且走且戰遇春日壯

男子也喜其勇後從天瑞降薦為指揮使

熊天瑞傳

永新人尹堅從熊天瑞據贛州為兵馬指揮登城飛鉅

石傷遇春頰明日天瑞降堅將自殺遇春召慰曰好男

子當如是留置幕下還朝言於上命武士與角力皆不

支以為直殿將軍

謝志

明太祖洪武元年二月贛州衛指揮使陸仲亨帥師會廖

永忠征廣東

豫章書

二年詔設屯田於贛州以指揮等官領之

通志

四年七月贛州上猶山寇叛江淮行省中書左丞黃彬討

平之

明書列傳

十八年廣賊周三官謝仕真攻劫龍南信豐雩都等處破

其城焚掠甚慘三官河源宦家子殺人亡命仕真以造

假銀事發遂與三官結黨倡亂聚眾至萬餘人明年統

兵官尹和先用計擒二賊子因乘勝督兵討平之

謝志

十三年正月贛賊叛總兵東川侯胡海左右副總兵普

定侯陳桓靖寧侯葉昇討平之

豫章書

贛州山賊夏三復結湖廣峒蠻為寇昇為副將軍柯胡

海等討平之俘獲萬七千人

葉昇傳

雩都知縣查允中奏近山賊夏三等作亂袁州衛指揮

蔣旺等領兵捕之旺乃擅發民丁三百人驅之當賊方

春之時且廢農業上曰以不教民戰是謂棄之討賊武

夫事何與於民命兵部遣人責旺亟罷其役

陳仁錫世法錄

洪武末贛賊陳平作亂江西按察使副使何道旻討平之

罪其首惡

萬姓統譜

成祖永樂十一年正月摘戍弩哈兒伯顏等於廣東廉州

至贛州復叛伏誅

豫章書

宣宗宣德七年會昌長河賊朱南鄭劉伯昂為閩粵江西

三省巨寇流劫邊鄙鄉勇李梅五擒其驍賊鄭與昂稍

卻退巢石背三省會請征勦命東廠太監督兵討之屯

於禾溪年餘無功乃懸賞招勇敢士有武平人邱景崇

應募討賊

通志參信豐志

宣德間贛州信豐諸縣盜起命陳勉撫之招徠三千六百

餘人亂遂定

明史

本仁按寧都陳勉傳云宣德癸丑命征會昌長河峒賊首朱南鄭就撫議置守禦及巡司民獲安堵癸丑係宣宗八年本紀未載信豐等寇疑即征會昌長河峒賊事也

英宗正統四年七月邱景崇以技術潛入賊營賊不疑因率十一戶親族子弟五百人偽從賊與造軍器約官兵

為外援十二月晦就筵間擒朱南鄭劉伯昂事平上聞

以石背土田分賜十一戶世襲把總通志

十四年正月湖廣寇蔡妙光自稱傳度彌勒佛教眉間一

瘡痕名為三隻眼鼓衆倡亂攻破龍南尋討平之謝志

本仁按謝志作十三年今從明史本紀蓋發於戊辰而平於己巳也

十三年福建沙縣賊鄧茂七自稱閩王江西都指揮劉順

穎衛指揮馮廣領兵一千守石城十一月茂七黨陳椿

八率衆數千入境邏者報賊止四五十順輕之遣百人

入賊營縱發火砲出其不意殺數十賊又縛其部總湯

社長椿八大怒後三日盡率其衆攻城順復輕之城遂

陷張志

天順四年嶺寇犯贛州江西右布政使王恕率師討平之

安輯流冗有方何喬遠名山藏

六年八月江西亂民朱紹綱伏誅明書本紀朱南鄭之孫紹綱

入信豐縣據新田裏羅老營場為巢大掠者十餘載新

田約長黃習率鄉勇擣其巢擒紹綱於螺峯斬之至成

化十九年請卽其地立長沙營設守備統兵駐防又於

牛角水置堡會昌千戶所撥軍防守張志參信豐志

本仁按紹綱伏誅本紀屬天順六年謝志併敘入成化十九年殆誤

長河峒賊朱紹綱謀叛郡縣騷按察使副使余復往

南昌府志

憲宗成化元年二月廣賊寇贛州龍南巡按江西御史陳

選布政使翁世資按察使林鶚都指揮王貴討平之

書

豫章

鶚超遷江西按察使廣東寇剽贛州急調兵禦之遁去

林鶚傳

八年草寇李復正聚眾於南村洞同知章廷圭討平之

蔡志

二十年閩廣流寇犯境入瑞金總捕同知王廷珪督民快

禦之進至丁陂為賊所逼後援不應竟遇害卹恩進四

品階錄一子入監讀書守臣以失事坐貶

謝志

二十一年五月南贛盜起命僉都閔珪撫治之

明書本紀南贛

盜率強宗家僕珪請獲盜連坐其主法司議從之尹直

輩謀之李孜省取中旨責珪不能弭盜明年五月左遷

廣西按察使

閔珪傳

二十三年八月石口賊楊九龍合武平賊劉昂攻破信豐

大掠龍南督守太監鄧原以聞命江西巡撫李昂督三

省兵討平之擒斬九龍等添設參將於長沙營又置堡

於羊角水設隄備所又於龍南石城設守備行司瑞金
安遠設隄備行司通志兼設兵備副使爲長治久安之計
董志

孝宗宏治三年程鄉賊彭錦糾邑賊黃秀琦出攻信豐大

掠境內龍南紀事

八年四月始設南贛巡撫明書本紀汀漳寇起嶺南湖湘不逞

者四出剽掠爲東南患江西巡按張縉等議設巡撫憲

臣開府於贛以統制之因推廣東左布政金澤遷都察

院右副都御史俾巡撫江西兼督閩廣湖湘所轄江西

南安贛州建昌福建汀州廣東潮州惠州南雄湖廣榔

州四省三司皆聽節制金莅任七年始得代去尋以事

寧裁南贛巡撫豫章書

九年冬十月汀漳盜王魁蔡郎綱等流入信豐竹篙嶺龍

南象塘堡大肆劫掠義兵廖思閏老人陳受統率家屬

擊敗之思閏及受死於陣江西大志參信豐志

武宗正德元年巡按御史臧鳳上言四事一謂假兼制以

安地方南贛二府接連三省流賊出沒東西地方不相

統攝文移約會動淹旬月以致賊多散逸事難就緒宜

命都御史兼制四省接境府州隨宜調度則盜可息詔

可施行謝志

二年六月廣東賊入江西

明書本紀

三年李承勳知南昌府時江西盜起瑞饒撫贛諸郡皆效

賊承勳多方防禦賊乃退

明書列傳

二月贛州大帽山賊何積欽等寇起官軍屢年不能克

左都御史陳金以屬郡兵不足用奏調廣西狼兵督副

使王秩等擊之獲積欽俘斬千七百餘人

明史

是年會昌賊犯縣境知縣汪穎率兵禦之親冒矢石賊

衆卻走

會昌志

四年王哲以僉都御史巡視南贛汀漳等處會江西盜起

命哲往撫既至黜貪吏去苛政盜皆解散

通志

參議俞諫

計擒程鄉賊首鍾士高陳五長

謝志作陳玉長

等往年為安遠

信豐害者駐師三月民不知兵

謝志

十一月二十三日禾豐走報有武平賊自長河燒村來

時已昏夜城中人不設備賊五鼓渡河從城西角梯而

入時袁僉事某聞賊陷城出避萬壽僧舍賊從閣上邏

得見其氣壯言正不加害挾之同宿布政行司前梅氏

祠次日將撤營去有留之者因復駐掠城中婦女二百

餘人燒燬房屋殆半殺孫嘉亨等五人其留賊者賊疑

之亦見殺

零都紀事

本仁按王哲巡視南贛武宗本紀屬之五年春

五年復設南贛巡撫豫章七月流賊寇興國縣城火三日

不滅十二月賊還自萬安通判徐圭擒其副殺之賊乃

遁興國 蔡志

六年四月贛賊陷新淦執參政趙士賢明書 本紀

程鄉賊鍾仕錦攻劫附近鄉邑都御史周南招降賊首

何積玉及餘黨千餘人擒仕錦戮之安插朱貴等三百

餘人於羊角水後積玉復叛知縣蔡慶督民兵格殺之

安插餘黨葉芳等於黃鄉堡為新民謝志

七年南贛巡撫都御史周南率兵攻大帽等山寨盡平之

大帽山界江閩廣三省賊首張番壇李四仔鍾總劉隆

黃璜等聚徒數千攻陷石城萬安諸縣南分遣江西兵

從安遠入攻破巢穴七廣東兵從程鄉入攻破巢穴九

福建兵從武平入攻破巢穴八擒番壇等斬之俘獲賊

屬奪回良善甚眾明史 紀事

是年龍南山賊黃秀璣謝越賴振祿聚眾劫掠鄉邑贛

撫蔣昇討平之龍南 紀事

黃鄉賊從廣昌俘朱參政某直薄會昌城下知縣林信

以金帛往贖給之密募勇士歐忠夜襲賊壘挾朱入城

賊黨遂遁去會昌 志

九年贛州賊起兵備副使胡世寧行金谿縣委官選機兵

四百名赴廣昌防守

金谿志

十一年十月以王守仁爲都察院右僉都御史巡撫南贛

汀漳等處

明史紀事

八月兵部尙書王瓊奇守仁才薦擢南贛巡撫當是時

南中盜賊蜂起謝志珊

一作山

據橫水左溪桶岡池仲容

據泃頭皆稱王與大庾陳曰能樂昌高快馬等攻剽府

縣而福建大帽山賊詹師富等又起前巡撫文森託疾

避去志珊合樂昌賊掠大庾攻南康贛州贛縣王簿吳

玘戰死守仁至知左右多賊耳目乃呼老黠隸詰之其

隸戰栗不敢隱因貫其罪令訶賊動靜無弗知者於是

檄福建廣東會兵先討大帽賊

明史王守仁傳

十一年三月南贛巡撫王守仁調三省兵攻信豐龍南流

賊連敗之賊突至信豐守仁令乘險設伏厚集以待之

乃潛兵往徑道夾攻賊奔潰於象湖山拒守又潛搗其

巢穴大敗之賊復潰入流恩山岡等巢尋遁去五月守

仁平詹師富等二十餘巢又飭知府季墩擒斬陳曰能

平其巢穴七月守仁請提督軍務許之左溪賊藍天鳳

等與贛南下新穩下等洞賊雷文聰高文輝等盤踞千

里十月守仁平橫水左溪十一月平桶岡乃設崇義縣

於橫水控諸猺出師兩月平賊巢八十四處

明史紀事

是年二月龍南反招賊首黃秀魁糾合廣東龍川縣

頭池大鬚

即仲容

大安大昇

謝志作仲安仲寧

等共爲一陣賊首

黃金巢白爲一陣勢甚猖獗南康縣丞舒富統兵與戰殺賊二十餘人賊衆擁至手殺陳禮魴百長鍾德昇等潰走南康報効義士楊習舉戰死經歷王祚被執富與義民蕭承千戶林節收集餘衆退守南營山後賊差人告招本道楊璋差蕭承往撫放回王祚賊返原巢又委百長王受等同已招賊首黃秀璣往安遠截捕流賊賴振祿等行至湖江背秀璣反招令伊弟大滿細滿等燒燬劉必甫房屋仍與振祿連謀行劫受督率兵快於黎坑礮下殺獲黃秀璣大滿細滿積瑜首級四顆四月池大鬚同反招賊首黃秀魁陳秀顯等糾衆四百餘打劫千長何甫等家王受率兵夫於陳坑水交鋒殺獲首從賊人陳秀顯等首級十二顆餘賊遁歸巢

王文成全書

十一月守仁平桶岡寨還至贛州議討洄頭賊初守仁之平詹師富也龍川賊盧珂鄭志高陳英請降及征橫水洄頭賊將黃金巢亦以五百人降獨池仲容未下橫水破仲容始遣弟仲安來歸而嚴爲戰守備守仁勞以牛酒問故仲容詭言珂志高吾讐也將襲我故爲備守仁佯杖繫珂等陰使珂弟集兵以待遂下令散兵歲首

大張燈樂

明史王文成傳

十三年正月賜仲容以新厯誘入謝仲容率九十三人營教場自以數人入謁守仁呵之曰若皆吾民屯於外疑我乎悉引入祥符宮厚飲食之賊大喜過望守仁密進兵留仲容觀燈樂正月三日大享伏甲士於門外諸賊入以次擒戮之自將抵賊巢連破上中下三泖斬馘二千有奇餘賊奔九連山山橫亘數百里陡絕不可攻乃簡壯士七百人衣賊衣奔厓下賊招之上遂據其險官軍進攻內外合擊擒斬無遺乃於下泖立和平縣置戍而還

明史王文成傳

泖水在龍南龍川交境池仲容與弟仲安仲寧皆虓猛善鬥負固稱雄信豐龍南安遠會昌累受荼毒仲容有幻術急則遁形水草中名爲插青以故勦之不克撫之不從當事者無如之何守仁廉知賊善遁計欲生致之乃遣人頌厯三泖誘令入謝館之祥符宮供具整潔華贍所屬官僚以次宴犒館伴與賊相狎者又私飯仲容於娼家旣連日夜矣則令二三力士闌入假使酒而與仲容爭因毆傷其目里甲告急守仁問故陽怒杖酒徒明日命醫療其目密用藥翳之毋使得插青遁也值元旦令有司以次日大饗仲容潛伏甲士數百人賊衆入

院盛張鼓樂不聞人聲鑿銀分厯賊受賞兩手不勝復以花紅絆繫乃勞之酒三叩頭出甲士盡殫之門外旣畢事日未晡也初七日率兵詣澗諸哨已集遂搗其巢

三月班師奏立和平縣

參張志謝志

正月癸卯肅王公度諸兵已集引仲容入併其黨戮之亟使人約諸兵入巢越四日丁未同時並進其軍於龍川者惠州知府陳祥率通判徐璣等從和平都入指揮姚璽率新民梅南春等從烏龍鎮入孟俊率珂等從平地水入軍於龍南者贛州知府邢珂率岡知夏克義知縣王天與等從太平保入推官危壽率義民葉芴等從

南平入守備指揮郝文率義官孫舜洪等從冷水迤入指揮余恩率百長王受等從高沙保入軍於信豐老南安知府李敷率訓導藍鐸等從黃田岡入縣丞舒富率義民趙志標等從烏迤入公自率中堅搗下泖大巢副使楊廷宜督餘哨會於三泖賊黨自仲容至贛備已弛闔官兵驟入皆驚失措分投出禦悉精銳千餘迎敵於龍子嶺我兵列爲三衝犄角而前恩以王受兵首與賊戰卻之奮追里許賊伏四起擊受危壽乃以芳兵鼓譟往援後復以珂等兵從旁衝擊呼聲震山谷賊大敗而潰遂并上中二泖克之各哨兵乘勝奮擊是日破巢十

一曰熱水五花嶂淡方石門上下陵芳竹湖白嶺潭
赤塘古坑三坑明目分道擊賊已酉破巢凡六曰鐵石
嶂羊角山黃田坳嶺岡塘含岡尾溪庚戌破巢二曰大
門山鎮里寨辛亥破巢九曰中村半選都坑尺八嶺新
選古地空背旗嶺頓岡癸丑破巢四曰狗腳坳水晶洞
五洞藍洲丙辰破巢二曰風盤茶山其奔者尙八百餘
徒聚於九連山山峻而袤廣與龍門山後諸巢接處其
勢合難制乃選銳士七百餘人衣所得賊衣乘暮而大
賊以爲其黨也從崖下招呼我兵亦佯與和應已獲險
扼其後路明日賊始覺併力來敵我兵從高臨下擊賊

之公度其必潰豫戒各哨設伏以待乙丑覆之於五花
陣於中村於北山於風門均分逃餘孽尙三百餘各哨
會兵追之二月辛未復與戰於和平甲戌戰於上下坪
丁丑戰於黃田坳辛巳戰於鐵障山癸未戰於乾村於
梨樹乙酉戰於劣竹壬辰戰於百順於和洞乙未戰於
水源於長吉於天堂若謀報各巢稔惡者已盡惟脅從
二百餘聚九連山谷呼號乞降遣珣往撫之籍其名處
之白沙乃經理立縣設隘班師而歸時戊寅三月丁未

初
宏平
湖記

龍川上中下三洲等巢共三十八寨賊首池仲容等三

十餘人盤踞流劫都御史王守仁以次蕩平其巢因得其金龍霸王印及僭踰袍服旗幟以獻捷謝志

十四年六月寧王宸濠反提督都御史王守仁以馭福建叛軍事至豐城聞變回至吉安倡義起兵檄贛州知府邢珣寧都知縣王天與辛黃鄉等處兵從征七月執宸濠於樵舍江西平天與卒軍中謝志

世宗嘉靖五年正月都御史潘希曾令贛州府通判董鳴鳳指揮劉鏗等合兵討泃頭賊曾惟德王尚琦譚崇尚李正璉等失利復命同知伍左指揮姚璽統兵繼之又檄節指揮吳山陳傑協力進剿戰於龍南太平係中泃

等處擒賊首曾惟德鬼吹角等一百七十名追至曲潭及九連山奪回被擄官員董鳴鳳擒斬賊徒四十名各賊潛竄二省江正

江正
大志

八年十一月從南贛都御史周用以吉安之泰和萬安龍泉永豐永寧撫州之樂安屬虔臺豫章書

十四年分巡湖西道周相攝南贛道事有安遠人杜柏素以武健擁眾自雄王守仁督虔時招之榮以冠帶安插其眾二千人於縣百里外號新民宸濠反柏素家從征不盡受守仁約束攫幾萬金而還守仁佯不問由是益恣橫擅生殺邑民見者輒蒲伏長者咸憤沿途告安

遠杜柏者日以百數相至額蜀柏恣橫不可捕乃伴曰柏富招怨耳碎其狀衆憤走控三院冀得轉於相柏訶知告者姓名日撥百餘人抄殺之有孫宏者懼抄及聚族千丁自保其姻葉天序亦糾族丁千人助之潛告於相相諭曰過端午當出巡爲若等理積訟宏天序歸途懼柏邀殺急投黃鄉保會婆會令十頭目領三千人合宏天序之衆爲一大寨會婆者舊稱滿總葉芳妻也夫死代領其衆柏上變告孫宏葉天序合黃鄉保賊反軍門信之發兵千三百令四指揮領赴道聽調度討宏等相親書密揭軍門白宏天序不反反者杜柏也絕不使

吏人知又陽戒四指揮宣言曰柏實罪魁宏等何辜相故嘆息曰如軍門之令何吏人潛告柏遂弛備相發南康至安遠乃大閱差千戶五各領旗牌一押孫宏西去里許聽理一押葉天序東去聽理一押滿總十頭目兵歸還鄉保一同典史疾馳安遠諭新民出城押歸原耕住處一選帶素與柏厚者數人諭之赴理五旗牌一時齊發柏計窮來伏庭下相呼宏天序至語曰柏不來爾說俱是柏既來矣孰是孰非須集衆庭鞫之三人齊械送鎮撫司監候柏黨在外謀劫獄巡捕官告急相大聲喝曰柏來求生乃故取死此訛言也亟去毋亂吾耳尋

呼吏書發巡南安牌且不耐陸行令就河覓船須臾以
 得五十船報日晡登舟分載諸兵將畢忽挈三犯令乘
 夜順流歸贛柏黨千人馳至信豐聞柏已縛去各散歸
 五月十六日反接柏及同惡二僕杜龍杜虎親家黃金
 瑋四兇獻俘軍門召柏父厚紀慰遣之并貸其幼子喬
 挺喬鶴釋孫宏葉天序及強奪婦女百七十口沒入日
 地山房各千計會新道將至相計柏若出是遺患也亟

出四凶杖殺之然後行 參張志 謝志

本仁按張志云葉芳自號滿總芳死而妻曾婆代曾
 死而芳之兄廷椿復獵獺也謝志以曾婆為滿總葉
 廷椿妻夫死子幼代領其衆誤今從之

十五年設坐營參將於贛州專司團練 謝志 十月以萬安龍

泉永豐廣昌新城南豐六縣俱隸贛州兵備 豫章書

十六年十月從南贛提督王浚議復設南贛各縣捕盜主

簿 豫章書

十八年流賊劉松一等六十餘衆劫掠瑞金之陳畚等處

和縣王鈇率兵擒之明年團溪山賊首劉操等劫掠寧

都瑞金二縣鈇督兵生擒劉操等三十餘名解赴軍門

江西大志

二十一年秋安遠黃鄉係新民葉廷椿作亂黃鄉離安遠

縣治三百里與廣東平遠和平龍川等處接壤中有大

帽山綿亘數百里內爲盜窟最後有葉芳者自衽鄉人
併諸賊有衆七千分爲七哨自號滿總巡撫周南招撫
之王守仁嘗用以平桶岡洲頭及宸濠驕橫不受約束
芳死其兄廷椿代領其衆肆暴尤甚至逼旁近居民竄
徙者百七十人乘新舊督撫交代之際將爲亂副使薛
甲以計擒之并其二子選葉金爲千長以撫其衆新撫
虞守愚至因請於田背築城堡設巡檢司併移安遠隄
備之兵駐劄其地又於會昌長沙營及羊角水堡並築
城防守議上悉從之

參謝志
張志

趙勳爲瑞金令有能聲先是安遠有黃鄉賊洞路通閩

廣萬山巖險征勦莫及葉氏世統其衆曩設軍門奏給
千夫長印使之羈束乙巳冬千夫長妻曾氏代夫于洞
二子冲幼姪葉經糾衆剽掠南贛撫虞守愚奏征之官
軍敗於賊役一千戶一縣丞勢張甚於是兵備副使謂
虞曰事急矣非趙瑞金莫辦此賊幕府召問方畧曰賊
方銳戰必敗也今聞賊亦自困且亦厭其首亂者可往
諭使自縛虞壯而遣之遂挾四小隸單騎入洞初往賊
猶未信列兵露刃夾道擁視推誠慰撫曾氏相率跪服
手縛葉經及便化肆掠者以獻餘黨悉降乃又諭曾氏
曰官軍征汝奏聞於朝今雖縛賊而二子不詣軍門何

以示効順曾氏卽出二子付之曰二豎子之命在公矣
曰二子卽吾子也當是時諸邑聞瑞金令縛賊且得曾
氏二子歡呼道路遂以二子入軍門觀者萬人無不稱
快虞撫不待奏報卽以便宜赦曾氏二子送郡學觀禮
勳再入洞築城寨設巡司而黃鄉賊無不歡呼樂業者
幕府奏功論賞以最聞

廣東通志 獻徵錄

本仁按據此則辭副使之計擒皆趙瑞金功也且所
平者曾氏非廷椿與舊志互異惟云乙巳冬則距二
十一年壬寅相隔三年似誤竊謂獻徵錄所述必非
憑空臆造或據趙氏相傳之實錄謝志則據官牘以
成文張志從而刪潤之故不同耳然則張所云曾死
而芳之兄廷椿復猖者亦臆度之辭乎

十二月廣賊蔡子顯等寇贛州殺指揮斯邦爵斯泰子

簿蔡思賢豫章書

二十二年十二月雩都官兵捕獲葉珊廖涯等二十餘名

龍南官兵獲陳英等四十三名逋寇漸次削平江西大志

二十年十一月和平岑岡賊李文彪稱亂都御史張烜督

兵討之高砂千長陳貴爵與賊通濂師賊襲執指揮金

爵爲質挾招不許及戰貴爵爲外應我兵遂敗明年遣

指揮謝勅往諭降賊黨李子文謀以貌似文彪者殺之

函其首并還被擄官詣軍門降遂撤兵後偵知其僞復

遣勅入巢切責賊衆械送子文轅門伏誅併殺陳貴爵

而文彪竟得逃死明書參謝志

三十六年三月龍南賊賴清規據下厯堡以叛清規六十
 民素有機智嘗從征三洞有功後充本縣老人善為人
 解紛縣官嘗委用之偶以族人獄事干連法應配時一
 郡倅署縣事墨甚素清規賄不饜過之清規逃匿倅蹤
 跡之愈急因聚眾拒捕反龍南之橫岡信豐之員魚邏
 腦安遠之大小石伯洪俱為所脅合岑岡賊李文彪高
 砂賊謝允樟號三巢而清規為雄嘯聚十年殺人以千
 萬計地方受其荼毒

明書參謝志

流賊蔡俊率眾千餘直薄會昌城知縣陳仕既豫備守
 禦之策復諭之以理賊見不可犯遂遁去

會昌志

是年都御史周滿以所轄嶺北漳南多故疏請嶺北嶺
 東嶺南漳南四道並各專設分守一人以參政或參議
 任之又請如成化中例仍設參將於會昌節轄四省如
 議行之參將復於三十九年

謝志

二十八年岑岡賊李文彪合下厯高砂汝龍等巢出劫

紀事

定南

二十九年流寇自闖入雩都境諜知守陴者皆因謀夜襲
 之初夜發自會昌峽會過良蓬灘失利比抵城下已向
 曉矣舟至東門岸人鼓譟禁之伍伍易懷瓘發矢斃其
 張赤幟者賊氣大奪不敢窺城趨興國入吉安界

雩都紀事

四十年饒平賊張璠故爲斗庫侵欺挂法遂以失計良家
子作亂閩廣諸巢賊附之五月流入興國自龍沙出梁
口萬安及泰和殺副使汪一中執參議王應時還過衣
錦鄉長信里溫陂等處焚劫一空新撫陸穩遣安遠知
縣石廩領黃鄉葉槐等兵禦之擒斬數十人賊敗走出

境明

附錄張志云嘉靖三十九年初安遠葉槐與岑岡李
文彪作亂安遠知縣章彬之婿從共巢同死彬疑中
毒用奸民王昭等策矯軍門檄築兵攻之反爲所敗
岑岡亦激於指揮李种輕聽王本奪文彪妻弟婦判
歸王本權抑之文彪怒發兵圍龍南焚掠甚慘遂合
廣東流賊掠石城瑞金等郡南康贛縣進及泰和殺
汪副使及各指揮軍潰虔撫楊伊志坐罷而以布政
陸穩代之諸寇爭平葉槐亦就擒而李文彪更與高

移任賊謝允樟下歷賊賴清規合相與結黨流三巢
按岑岡賊出劫在三十八年廣寇殺汪副使在四十
年首尾三年併爲一年事葉槐曾領兵禦寇則就撫
宜在平寇之前敘次亦爲未覈

是年十月兵部尙書楊博言江西之寇始於南贛賊巢
合廣西叛兵益以本鄉惡少遂致蔓延前奉詔督責諸
臣以九月報平今且過期不效請更申飭仍照邊方事
例半月一馳奏賊情又御史段顧言生長邊陲素嫻韜
畧可就委以兵事海道副使譚綸嘗練士兵足稱智勇
今以守制回籍宜令墨線效用以靖地方且閩廣之賊
所倚重者數巢穴耳使以勁兵乘虛搗瑕攻其必救賊
必牽於內顧乃可平矣上令胡宗憲督率進剿餘如議

四十一年五月命都督僉事劉顯充總兵官鎮守廣東南
贛參將俞大猷副之會同督撫官協謀剿賊仍令江西

紀功御史段顧言兼覈廣東功罪以聞

世宗實錄

奉詔會師二十萬分爲七哨大勦張璉兩廣兵駐潮州
福建兵駐漳州江西兵駐建昌贛兵駐汀州監軍御史
段顧言駐節贛城紀驗功過時督撫陸穩總江浙勁兵
六萬屬參將俞大猷將之璉西攻漳州諸帥乘虛搗其
巢璉急回自保大猷計誘賊郭玉鏡等賣璉以獻兩
廣以饒固其地不肯予虔哨奪璉去璉既擒諸賊巢俱

無固志或勦或撫悉就平定乃班師

謝志

六月廣東盜平南贛都御史陸穩巡撫江西侍郎胡松
參政譚綸等各賜銀幣有差十月函程鄉賊梁寧首至
泰和懸示初張璉等平徧程鄉巨賊梁寧林朝曦徐東
州等出沒贛吉二府久之不定穩遣大猷引兵夜襲寧
巢寧懼先遁東州與官兵遇於武平伏發就擒朝曦復
約河源賊首黃積山謀大舉官兵乘積山無備攻巢克
之斬積山首朝曦率其黨從銀場坑間道出攻程鄉城
知縣徐甫宰嚴兵待之乃計遣主簿梁惟棟招安說降
其黨朝曦窮急棄巢遁追擒於陰那山并其弟朝敬等

於是潮寇悉平十一月設長沙營羊角堡把總豫章書

四十二年四月吳百朋為右僉都御史提督南贛五月廣

東僉事徐甫宰擒程鄉賊平之初上杭縣賊首萬鼎堯

為官軍所擒其黨遁入程鄉賊溫鑑梁道輝巢中鑑等

益強乃出巢窺江西平遠知縣王化擊敗之四十二年設平遠縣

治於程鄉縣之大平趨瑞金遇嶺北道副使李佑兵三

營隸贛江西贛州府戰皆敗奔歸程鄉故巢甫宰乘其營壘未定急攻之擒

道輝於大坑口擒鑑於沙羅塘豫章書

二月賴清規黨寇逕腦賊鄧東湖復合下歷汶龍賊至

鐵石猝至城下主簿李鳳朝戰於青村山又劫會昌屬

經信豐遇官兵截之信豐志

岑岡賊李文彪死子珍及江月照繼之益猖獗吳百朋傳

四十二年十一月平遠知縣王化擒田坑賊首梁國相等

於石子嶺國相本南韶故盜梁寧子先已請降至是復

叛約三圖賊葛鼎榮等分寇江閩二省化先其未發寄

妻子於會昌縣身自帥鄉兵擊之賊連敗乃縱反間於

會昌城中言化已沒化妻計氏聞之遂自刎化追賊急

卒破擒之撫臣以聞并上計氏守節狀豫章書

四十四年三月賴清規等流劫信豐會昌安遠等處參將

蔡汝蘭敗之於古陂八月清規復掠信邑小江汝蘭用

從軍監生謝象山計敗之十一月蔡汝蘭計誅逆腦賊
鄧東湖兼程進兵盡屠其黨

定南紀事
參宿豐志

四十五年南贛提督吳百朋上疏請討三巢賊從之

世宗
實錄

六月百朋親督參將蔡汝蘭等率兵進剿下歷賊首賴

清規伏誅先是百朋上疏討賊知府黃辰請單騎招撫

百朋佯許之清規意欲緩兵聞府官來撫率衆稽顙待

命開道送歸百朋乘賊懈亟移鎮信豐檄兵備李佑督

諸路兵四萬三千有奇於六月初二日分哨進攻初三

日長沙營把總暴以平首破楊梅牌斷賊右臂兵逼大

巢賊出戰皆失利遂奪神仙嶺賊益蹙退保鐵爐坑同

知李多祜督黃鄉兵俘斬甚多賊猶據寨頂固守四面

縱火焚之賊奔樟木嶺各路兵夾攻不能支復奔入羊

石鏡鉢二寨清規率親信五六百人踞銅鼓嶂嶂為龍

川地昔儂智高所據為密穴者汝蘭選勁卒六千人從

問道圍守三寨自以大兵殿後又架天車為仰攻計坐

營都指揮王如澄冒矢石先登七月初四日破鏡鉢寨

初六日破銅鼓嶂清規計窮謀夜走葫蘆岡為隘兵所

扼反走回苦竹嶂匿茂林中副將孔宗周偵知之領兵

搜獲清規自殺戮其屍髮長七尺下歷平高砂謝允樟

悔罪自縛詣軍門獻地乞為編戶乃即其地建宅而歸

事在隆慶三年初議下歷築城建館移捕盜通判王簿統兵五百駢剗防守都御史張紳謂非久安計因從新民之請

奏立縣治開設學校信豐龍南安遠三縣皆得晏安謝志

四十四年安遠縣虎四出噬人知縣李多祚懸賞募捕

旬日獲十三虎明年督兵征下歷過太平堡一巨蛇當

道多祚拔劍斬之未幾賊平人謂蛇虎為先兆云謝志

穆宗隆慶二年春以張紳為右僉都御史巡撫南贛所部

萬羊山跨湖廣福建廣東三省境故盜藪四方商民種

藍其間至是盜出劫掠遣守備董龍勦之龍聲言搜山

諸藍尸大恐盜因煽之嘯聚千餘人兵部令二鎮撫臣

協議撫勦之宜久乃定明書列傳

神宗萬曆二年九月都御史江一麟知府葉夢熊計殲黃

鄉堡賊首葉楷等蕩其巢穴黃鄉之寇盛踞有年四月

俘民劉載永嚴順民等請增設縣治夢熊惠州人稔知

其害欲圖之未有間至是告一麟曰是其眾可攜也乃

先令其子弟來郡塾就學習禮已而果有四五十人來

楷亦遣其子六人至然心實怒永載等所為讐視之七

係人從此亦與構怨稍稍瓦解夢熊密致載永順民及

尹明遂溫時選等假以把總銜俾為內應又遣梁正環

陳俊賴琪等予以招降旗數十免死票三千懸賞格令

伺便行事九月一麟乃發兵分四路參將郭千東路入
由勞田安遠知縣張行可西路入由太平保定南典史
張尚禮南路入由大小石堡皆把截防其奔逸中路則
賴通判徐廷輔及賴衛千戶孫韜李賓入自黃鄉雙橋
搗其巢二十日分道入正環等豎立降旗衆星散無與
官兵敵者借勢孤走匿賴舍廟兵圍之火其廟遂焚死
楷廟祀妖神內豎大旗蔑束之用人以禡則自解是年
神像忽倒大旗祭之不開賊爲奪氣百年逋寇一旦蕩
夷禽斬支黨葉盛文盛科吳富珠等俘獲家屬兒婦並
黃織牙轎大白綾旗諸違禁器物一麟奏捷疏聞參政

張士佩副使朱茹及夢熊等敘賚有差明年立長寧縣

參謝志

張志

八年六月龍川猴嶺賊鮑時秀叛知縣劉世懋立四隘兵

禦之

定南紀事

三十二年劇盜陳上新大掠長寧知縣凌位詳請會勦追

至大小石堡鄉勇葉佳士擒之

定南紀事

三十九年大盜林保壽劉和尙等劫掠大小石堡邑生范繼

擒解軍門知縣洪有觀以武功旌賞

定南紀事

嘉宗天啟五年廣賊丁天勝掠定南縣殺鄉民胡敬泉等

後二年廣賊鄒豺子復劫伯洪係

定南紀事

懷宗崇禎元年四月丁婆總蘇丁婆邱賊數千攻安遠城

陷擄掠一空挾知縣沈堯封去邑紳富戶購銀贖歸五

月復至城中有備環攻不入焚城外民居去尋破定南

下歷執巡檢湯之訓殺戮甚多復攻圍定南署事頓縣

訓導嚴可象堅守不下把總董光同羊角營把總趙龍

力戰死張後參將金世任同惠州總兵邵某勦平之參

豐

二年廣賊張庚子劫掠龍南境把總邵某同典史薛澄統

集千長徐棠廖尙美袁思唐等鄉兵追勦至上蒙堡伏

發官兵被圍邵奮鬥死之并殺徐棠袁思唐及鄉兵百

餘人龍南紀事

三年九蓮山賊瘟痢總掠龍南界邑中戒嚴廣賊謝志良

流劫四處巡撫王之良招撫之龍南紀事

四年寇鍾三舍等犯定南縣知縣陳日炳統領機兵鄉勇

禦之三舍等一夕遁去定南紀事

五年粵賊丁婆總流劫贛吉屬邑雩都各鄉受禍甚慘韻

閩二撫遣將協勦追至泰和界賊就撫張志

十五年廣賊閩王總剛刀總番天營豬婆總凡十餘種流

劫各縣村落明年攻破安遠及石城諸寨張志

十六年密教楊細涿以妖言惑衆鄉徠定南何氏家奴流

浪數載突歸自稱遇師指引今當彌勒下界謬以天翻地覆銅風鐵雨恐嚇愚民必入其教始得免劫定教堂於定南之禱田密約於六月初一日齊赴龍華會至晚選精丁授以兵具詭云至下歷司踏勝地舉刃疾呼其城自崩至司試其術不驗營兵礮發傷數人衆悉奔潰細徠欲逃他鄉廖先宏黃時振計擒之巡道章自炳聞變馳至斬於西門示衆斬後雷隨擊之

龍南紀事

十一月設南贛兵三千以副總兵鄭鴻逵統之

明史紀事

十七年粵寇閩王總統兵數萬擄劫南贛二郡所過莫敢敵十月賊屯會昌信豐界時雩邑廩生李蕙春團練鄉

勇防禦賊至馬嶺店村蕙春率衆堵截賊分隊四集奄至禾豐蕙春鼓勵鄉勇揮刀突陣賊却旋有賊衆拔營來援蕙春猶持槩赴敵遂沒於陣知縣張魯傳上其事撫軍林一桂檄縣立祠祀之巡道於鉉給金致祭

雩都志

國朝順治二年十一月闖賊復擁衆數萬至雩南岸擄船

渡江攻具甚備知縣張魯傳督集守城壯丁矢石銃弩一時齊發舟不得泊俄官兵至城中出黍餉兵爭出城助官兵撲賊賊按營南走明年賊就撫領家屬數萬自五月初七駐雩城至七月初二始撤營歸廣東城外屋宇折毀人畜擄殺殆盡

雩都志

六月廣寇閻羅總自寒信峽渡水營車頭守將林宗往

撫之爲賊所殺

贛州乙丙紀畧

是年五月南都破

大清兵下江西諸郡所存者惟贛州時吉水劉同升將緊

眷走閩自雩都至贛同清江楊廷麟依巡撫李永茂謀

大舉集紳士於明倫堂勸輸兵餉九月大兵屯泰和

副將徐必達戰敗廷麟自督師與劉同升乘虛復吉安

臨江十月大兵攻吉安必達戰敗赴水死會廣東援

兵至大兵退屯峽江十二月同升卒已而萬元吉至

贛

寶志參湯廷麟傳

三年正月唐王加萬元吉總督諸軍兼巡撫至贛守吉安

吉安破元吉入贛大兵乘勝抵城下給事中楊文薦

過贛共守禦江西巡撫劉遠生令張琮將兵趨湖東及

贛圍急遠生自出城召琮於雩都贛人曰撫軍遁矣怒

焚其舟拘遠生妻子俄遠生率琮兵至贛人乃大悔琮

軍渡河抵梅林中伏大敗五月渡河再戰被獲逃歸廷

麟復戰梅林再敗乃散遣其軍入城六月望副將吳之

蕃以廣東兵五千至圍漸解未幾復合唐王聞贛圍火

獎勞之使尙書郭維經來援維經與御史姚奇允沿途

募兵得八千人元吉部將汪起龍率師數千雲南援將

趙印選胡一青率師三千大學蘇觀生遣兵如之湖廣
 總督丁魁楚亦遣兵四千廷麟又收集散亡得數千人
 先後至贛營於城外水師帥羅明受屯南安八月大
 兵聞水師至夜截諸江焚巨舟八十死者無算火藥戎
 器盡失兩廣雲南兵不戰潰又聞汀州破人情震懼十
 月初四日大兵用嚮道夜登城鄉勇翁巷戰黎明兵
 至城遂破楊廷麟萬元吉郭維經姚奇允俱死之

寶志
參明

文諸
傳

本仁按贛城圍守經年張志不敘錄此以存其概

是年四頭營賊據信豐伯石保約長黃一爵率鄉兵擊
 之殺渠魁文都十月賊復據新田平地山明年正月一

爵率鄉勇從石門逕入搗其巢溪水皆赤

信豐
志

是年南埠葉之春招兵號南營奉調勦蘇溪叛僕遂驕
 悍不受節制因憤楊坊鄉兵誤殺葉賡廷糾眾萬餘報
 仇攻彈子寨脅和乃解後由南安至黃金高樓遇大
 兵殲之其同族葉南芝亦糾眾數千至南安率隊逃回

龍南
紀事

八月福州既破原任檢討傅鼎銓往寧都借兵於田海
 忠不應因集鄉勇破宜黃駐兵樂安原任福寧知州揭

志照聞

王師入閩提兵援福州又聞唐王赴贛州倍道趨贛爲

大兵掩擊大潰收散卒攻破撫州中軍洪深沒於陣兵

工僅存千人退次王洞

雜亂紀

四年黃沙劉耀中反耀中本楊細徠徒漏誅附閩寇仍聚

密教徒衆列幟據寨二月知縣呂應夏往撫不就調通

縣鄉兵圍勦耀中求救於閩寇十二月間寇數百突衝

義勇營柵殺典史戴光陞及紳衿兵數十百人應夏僅

以身免賴撫劉武元總兵柯永盛遣兵討平之

龍南志

南埠葉南芝因滋陽王妃攜一幼子流入南埠南芝率

衆以王禮事之留居毋子寨通廣寇馮高鳴共相佐護

其族葉啟鳳詣縣告變賊誘殺之總兵柯永盛調副總

兵孔國治等搃其巢執王妃毋子及南芝解贛城殺之

龍南志

粵寇謝志良糾黨數萬圍長寧城月餘知縣錢奇嗣率

十營土兵乘賊持久氣怠出城擊殺之

長寧志

五年正月金聲桓王得仁據南昌反率兵圍贛州先是萬

元吉未敗時嘗以書招聲桓聲桓頗心動陽繫致書者

於獄夜半釋縛勞問元吉起居遣之及大兵破贛元

吉死聲桓內不自安會信豐諸生曹兌光從閩來妄言

唐王在平遠五子若聲桓狐疑得仁以勢迫之遂以戊

子正月反二月得仁陷九江聲桓召還與議所向仁
欲趨金陵聲桓客黃人龍曰贛居上游文武督鎮在焉
此腹心患也宸濠之事可鑒矣聲桓然之決計南攻贛
州都督高進庫等與戰不利堅守以挫其鋒聲桓乃檄
得仁悉力攻贛自引軍踰嶺陷南雄韶州邀粵將李成
棟同叛成棟從之時明桂王由榔擅號廣西江廣合從
殘燼幾於復熾贛以孤城亘其中

王師得再克捷四月固山譚泰自饒州統兵攻南昌九江
以偏師來會聲桓得仁先後引退贛兵追擊之得仁大
敗九月成棟將兵救聲桓自南雄出官軍敗其前鋒成

棟陷信豐聲桓不敢進

張志

興國煙兵蕭國忠姚章甫糾衆倡亂繼起者爲劉霖寰
及王大勇宋朝宗等官兵前至興國誅姚章甫以柴震
龍知縣事金聲桓反南昌朝宗乘機殺震龍及典史武
尚仁焚劫官兵署舍贛將號李捍刀者領軍來討大勇
等戰敗官軍圍國忠於梅窖國忠死衆推霖寰爲主大
勇朝宗等佐之分屯諸砦聲桓得仁提重兵寇贛相持
四月官軍還自救不能討定

張志

土賊曾斌羅聚奎等烏合亡命窺雩都至南岸將渡江
會官軍駐雩都外舉礮斃賊旗手賊氣奪回保禾豐時

有蜚語誣城中與賊通者推官蘇峻大從寧都過雩廉
得其情力白巡撫因遣飛騎諭鎮將勿妄誅良民邑中
賴以保全後曾斌等爲土人漸次捕殺

張志

本仁按曾斌實志誤作魯今正之

定南舊令張於衡突入龍南索縣印以去未幾閭寇率
衆圍龍南城中掘鼠而食蓮塘生員曾忠率族衆救援
載穀三百斛奪路入城一時賴以稍甦然自是賊防截
益密城中憊不支自六月至九月城破殺知縣呂應夏
久之食盡拔營去

張志

七月會昌亂民受叛將金聲桓僞劄知縣邢以政奔告

賴撫劉武元發兵屠之八月賊首黎都乘亂據城生員
劉震率鄉勇擊戰於邑之南山嶺殺傷甚衆後兵潰震
被擒死之賊恐援兵至遂棄城去

會昌志

廣賊四營頭攻安遠知縣郭自修差健卒縋城間道詣
府請兵副將楊遇明孔國治統兵夜造其城殺賊首三

千級圍解

張志

六年正月南昌破金聲桓王得仁伏誅三月固山譚泰及
撫標中軍楊遇明兵臨信豐李成棟縱兵焚掠飲醉出
城渡河溺死大兵至信豐拒命者漸次掃定劉霖寰
欲降王大勇殺之約諸營拒載八月賴撫劉武元以守

備李若垠署興國縣與副將鮑虎提兵至擊宋朝宗於
 灑下縛而沈諸水王大勇謀襲城若垠知之伏兵於鳳
 凰莊之松林大勇遇伏戰敗走匿劉武元招之出降為
 其戚孫可貴所殺大勇部曲復殺可貴餘孽皆平張志
 廣賊陳鳳廖九齡張亦鬚楊大總等及圍定南縣城以
 謝卜清為內應城陷知縣曹邦偉死之明年鳳復犯縣
 署縣事王廷彥率鄉勇退之定南紀事

八年信豐知縣吉永迪奉劉撫檄薦黃一爵督軍賊以吉
 存新田練軍十一月十一日將夜乘虛劫信豐一爵偵
 知賊情夜伏於龍頭巡賊累至伏四起大敗之信豐志

九年九月吉永迪奉檄進勦黃石砦副將楊某等同進兵
 數日不下楊遣旗牌招安賊支解以狗黃一爵願往吉
 勉從之爵率親舅陳斗旋姪黃君秀不持寸鐵上砦諭
 以大義賊聽招撫後劉撫授爵軍門守備楊副將與吉
 爭功爵因堅辭官職信豐志

十年番天營賊流劫安遠境長沙營孔田各寨擄掠男婦
 千餘副將賈熊平之張志

廣東大坊賊李時戴等襲劫定南署典史蔡國相力戰
 被殺張志

十三年二月興國梅窖洞賊曾拱辰曾象吾曾玉華劉元

占等劫掠永豐萬安泰和零都諸縣境又與青埔何
 輝明歃血為約梅窖峒周圍高山中巖穴相連諸賊分
 踞峒口築土牆起瓦樓開砲眼圍外深坑洿池環繞官
 軍無可置足游擊洪起元左雲龍領兵四面迫攻賊圍
 堅厚不能破自撫軍佟國器發大礮四位多造竹篾盛
 土並運大石填平施放大礮燒燬角樓賊始敗退拒峒
 口起元雲龍偵知賊峒深險曲折容四五千入峒內活
 小長流積穀甚多乃長圍遏賊出入門路嚴巡邏以防
 奔突飛走路絕猶困守數月乃就斃

佟國器撫
 虔疏畧

十六年八月平零都劇寇李玉廷玉廷廣東人集粵眾盤

踞佛婆里老虎山小莊等處肆行劫掠虔撫劉武元發
 兵勦捕玉廷率眾降既而復叛佟國器復遣兵進勦玉
 廷踞龍溪山官兵攻圍數月未能勦戮賊復鼓眾大亂
 劫掠零之水頭崇賢安平長樂佛婆安仁青塘坎田八
 里人民房屋焚殺殆盡蘇虔院宏祖進討降其驍將張
 寧等數十人玉廷勢蹙逃匿獲之九山田舍梟首軍門

賊眾平

張志

十七年興國衣錦鄉蕭矮子聚賊黨數百於龍子逕劫掠
 鄉村擄男婦勒銀取贖貧民多死知縣向大捷招撫不
 從官兵至勦除之

興國志

十八年十二月長寧奸民曹子布子粟子元等陰通廣寇為亂知縣黃龍飛計擒殺之

張志

本仁按長寧并志作十六年

康熙八年廷議分布安插閩漳投誠海寇遣海澄公標下

都督總兵許貞屯田於贛縣蔡璋屯田於興國

徽水志林

十一年流賊周海元聚眾作亂散布偽劄由廣東平遠入

長寧安遠境內旋逼會昌羊角水堡會兵進剿逃於武

平盤龍隘擒斬之

張志

十二年滇吳閩耿粵尙聯兵作逆贛州為閩廣樞鍵賊謀

議以西路兵由南安南康東路兵由龍南信豐臨贛其

將楊鎮邦何興余賢分閩取江西何余得南安各屬傳

檄而定振邦攻龍南力攻不克兵多死賊奪氣不敢深

入虔鎮劉虔寶悉力守贛得獨全

張志

是歲興國崖石諸寇據境海上遺擊鄭錦擁眾窺漳泉

諸郡屯將悉鄭氏舊部與通聞問受偽劄五月石昭於

所屯處陳屋園先發張治朱明墾江背峒者領眾尤盛

六月贛游擊吳某統兵勦昭朱明率眾助戰興國典史

錢志泗饋軍被殺兵隸盡殲屯將蔡璋誘石昭送郡伏

法八月張治率江背洞數千人圍城城上放大礮擊之

賊始退踞壩南會把總李邦祿從總鎮擊破大白帝賊

還獲賊旗數十十九日距輿國城數里令兵皆持白旗
賊望之以爲援也邦祿出不意奮擊城中兵夾攻賊大
敗據崖石鯉公鯉婆樟石等砦黃捷先據寶石砦又有
乾田黃泥割牛銅鑼及雩都之雲霄鷓鴣搖籃等十三

砦

張志

十三年五月粵賊王九萬林青袍寇會昌湘鄉攻破山寨
及蕭帝嚴屠掠甚慘八月攻左右水北中村羊角營守
備杜應元把總馮古孝等領兵督各寨鄉勇進剿賊敗
十一月攻羊角水堡十三日直薄會昌晝夜攻圍知縣
王凝命率民登陴固守巡撫白色純贛鎮劉進寶遣游

擊李天柱周球等領兵援剿十二月初七賊夜遁

張志

都御史白色純以江西巡撫移駐贛州賊得民幸割其
辮將士遇短髮者輒戮之民陷賊不敢自拔又賊先營
城外百姓不得逸出兵至賊散見民皆以爲賊多俘其
妻女色純愀然曰若不禁止民且胥化爲賊將拜疏釋
之或謂恐無以別奸宄色純曰賊欲陰行間諜豈不能
使有髮之人而顧以此自露形迹也賊起困窮安得有
妻子藉令有之亦萬中之一吾何惜一身以全千萬人

耶疏上得報可民歸者相屬賊衆益蹙卒平之

通志

十四年三月崖石賊擁衆攻雩都北門不克而退又掠大

小禾溪及寧都之尖坑等處七月賊首黃斯勝等由和平寇定南林堪率鄉勇禦之

張志

十五年耿逆偽將軍劉應麟自汀州出陷瑞金會昌欲乘勢下雩都贛鎮哲爾肯遣游擊許盛領兵鎮雩都賊不敢逼四月進取會昌偵知珠蘭涼篷灘賊伏大礮欲斷我兵來路盛於三更率勇健密趨賊營明晨水陸並進抵會昌西岸爲營初十日雩都報急盛夜設虛營增甯分兵援雩都遇賊峽口敗之至程口江復偵知崖寇鉤連閩逆萬餘駐水頭老虎坑意在攻取雩都盛令所部登舟揚帆而下佯爲贛州有急欲回策應者是夜潛師

棄舟分兵三路直搗賊營斬級千餘又斬偽副將張進

等四人賊潰散

張志

是歲滇逆將韓大任遣其黨邱興佑據萬安之浪川洞與崖石相聲援勢益張賊黨陳達先入寇安遠境攻劫長河五堡偽提督馬某自平遠出攻屠長寧之城岡村偽總兵李善長王割耳環攻信豐焚掠甚慘又偽總兵徐命火李長青王百萬王龍光盧日葵徐飛鉤等衆數萬攻陷定南復攻下懸司守備夏期生統集營兵知縣林堪典史王聰率鄉勇血戰斬王龍光等數百級賊乃遁

張志

王割耳卽王雲龍支解李善長於草嶺十六年大

將軍傅宏烈執王割耳誅之梟示信豐

信豐志

四月賊首朱和尚等陷橫岡營督陣紅旗黃雲黃先勒率兵勦殺數百級五月賊復踞伯洪保武舉繆元鐫同鄉練總任之遠張明惠大戰三日斬獲甚多八月又敗之於大石堡斬王百萬兄弟九月賊衆攻破高沙保鄉千總陳大偉等力戰斬百餘級十月徐命入旬引偽總兵楊正邦等衆數萬由信豐至龍南謀攻下歷守備陳虎偵知之五鼓出其不意大敗賊於關西斬級千餘乃遁去

張

遁去張據吉安也興國郝盾抄劫無寧字興

國僑寓居人藍子明獨奮先禦賊以少擊衆輒勝於是白石密石竹管峒楓邊箬坑皆連結自保衆推子明爲長嘗擊賊於迴龍峯其子死焉子明戰愈力賊乃退次年大任拔營走闔降

激水志林

十六年叛逆黎繁祉散布偽劄事覺官兵黑夜擒殺之

長寧志

十八年以尙之孝爲宣義將軍勦崖石時張治已死治妻楊氏代領其家有參軍黃煜者吉安人興國知縣黃惟桂遣人以利害曉煜又單騎詣浪川洞招邱興佑與楊氏俱至縣就撫惟朱明據險如故之孝兵駐寧都六月

抵崖石築長圍以困之賴鎮許盛知賊俯糧在乾山寨
引兵堵之七月賊飢窘就撫賊乃平屯將不從亂惟洪
徵一人全家死焉

張志

五十一年雩都南鄉小溪佃民邱蘭秀陳萬餘丁介卿等
以除賦捐租鼓衆圍田主趙唐伯莊唐伯走報縣招諭
不從廣人馬天祥程文如林相爵謝懷明等煽聚千人
乘勢劫掠僉憲陳良弼總鎮韓祖漸以周寇二副將督
兵鎮雩八月十五日賊衆自禾豐來屯水南周寇二副
將率兵從東西分渡緝捕得吳齋公賴匡伯徐得萬許
敬先等四十餘人九月僉憲總鎮同駐雩賊復屯聚禾

豐十一月擒首魁陳萬餘等梟示黨乃散明年郡守黃

汝銓攝縣出所捕賊吳齋公等於獄杖斃之脅從者皆

赦

雩都志

嘉慶十四年福建洪蓮教匪廖善慶傳徒信會安龍長定
諸縣匪黨蜂聚五月初九日糾槍安遠丁文炳家知縣
陳天爵團練鄉勇守城請巡道廖寅同府憲何啟秀帶
左營兵三百捕獲五十餘名置諸法

安遠志

道光二十七年夏長寧會匪謝詞封等滋事分巡吉南賴
寧兵備道李本仁擒獲首從置諸法詞封生長山陬家
素饒裕因邱繼宗交結積匪董言台言台名時詒爲湖

南大教師王壽松之徒壽松事敗家屬收宜章縣監身
自遠竄來吉安郡城投匿言台寓館出龍鳳旗黃綢帕
帕上書三教會合一圈圈七字傳與言台曰是教中大
號令汝可持此聯絡同教信豐彩雲山僧道禪與言台
結拜兄弟交最密言台往來句引與謝詞封善詞封自
稱平江尊者素知道禪凌成傑易詠盛劉良老五各自
傳徒令廣爲糾約於是謝球生保等二十餘人羣集其
家陳設令旗寶劍瀝雞血於酒中同飲立誓起意劫掠
曹二酉等七十餘人起而從之以五月二十九日未時
合年月日時四丁未爲紅羊劫將闖入邑城縣胥劉振

昌聞信奔告於本官詞封不知有備也先令謝詞華身
藏短刀往探卽被拏獲及率羣匪蜂擁鼓噪望小東門
來而郭門已閉把總德全在城上舉火放鎗立斃搖旗
者會中易詠盛也城中縣差涂升預約爲內應疾趨大
東門將啟扇納匪德全刀截其臂擒之長邑城池方修
葺完固匪無可乘載水盛屍而去聚於吉潭墟知贛州
府周玉衡適在龍南查辦大龍保土匪本仁檄玉衡就
近馳往長邑而與同城總鎮德坤商撥營兵派游擊都
司分帶前赴並兼程親往督捕謝詞封改姓廖竄福建
旣由浙江回本邑藏匿涼傘岫故遲至踰月始獲其他

匪黨竄固未遠也先後緝獲百餘名研鞫四十餘晝夜
於迹涉疑似一時牽連者則釋之於案外別罹於法者
則晰而治之獄成解省經巡撫吳公文鎔入奏稱

旨匪首謝詞封斬梟傳首僧道禪凌成傑與續獲劉良老
五均處斬謝球生保等十九名處絞曹二酉等七十二
名與續獲胡運洪均免死遣新疆嶺北諸郡由是以謐
若夫王壽松董言台逃匿稽誅爲覆載所不容豈特貽
一方之患害哉壽松爲湖南案中至要之犯本仁密令
候補縣丞姚德普擒於萬安送道署問實械歸湖南言
台嘗入粵東本仁移咨粵省隨時蹤迹之果就擒斃於

嶽新
增

卷三十一

贛州府志卷三十三

經政志

雜建置

贛州府

萬壽宮舊在府城隍廟右乾隆間改建於鬱孤臺南舊縣學基闔郡文武每逢慶祝於此拜

關新

接官亭在西門道光二十六年知縣王訓修

新

大校場在府城鎮南門外明正統十二年指揮僉事馮廣

重建歲久圯副使張璉檄指揮張銳修築正德二十二年

年都御史王守仁增建營房嘉靖九年都御史周用徵
知縣高鳳山修

國朝道光十四年知府汪云任重修小校場在府城南隅

寶志
新增

道義倉舊在城西倉廩十間設於雍正六年貯穀萬二
千有奇嘉慶二十一年巡道查請阿倡捐穀一千石改
建於道署東偏編長慶豐年多蓄積字爲七廩自爲記
道光十三年巡道薩興阿續捐穀一千石自爲記計實
貯穀三千石

府義倉在城南宮保府道光十三年知府汪云任購王氏

屋建編農夫之慶實維豐年黍稷稻粱俾彼甫田立我
蒸民歲取十千字爲倉廩二十四間貯穀九千五百石

寶志

民義倉在城南鴛鴦橋倉廩三座貯穀二千五百石

商義倉在宮保府府義倉後道光十三年知府汪云任購
王氏屋與府義倉同建編承觀厥成百室盈止其崇如
鳩萬億及穉字倉廩十六間貯穀五千石

鹽義倉舊在新開路道光十三年巡道李象鵬建倉廩十
六間十九年巡道趙仁基移建於宮保府府義倉左廩
如其數貯穀二萬七千五百七十五石七斗五升

稅房在東西兩關暨五門共七所新

慈幼院在城外朝天坊宋州守鄒應龍建收養貧家生子

不舉者括諸邑逋逃租贖之張志

居養院在慈幼院南宋時建收養鰥寡孤獨病患之人歲

支常平米一千四百八斛八斗張志

福地院亦宋時建歲支常平米三百七十八斛九斗張志

廣東館在水西臨江寺側宋知軍陳升憲鍾時建踵趙清

獻護送出嶺孤嫠之遺制籍廢寺田以資之其出納屬

左司理以上俱廢張志

晉濟堂在城東府倉前卽關部署舊基乾隆三十五年奉

文建造收養各屬老民五十五名日給米薪油鹽蔬菜

冬給棉衣襪被經歷司管理經費赴司領發寶志

蕪縣

常平倉一在塔下寺左明崇禎十四年知縣陳履忠建後

圮

國朝乾隆十年知縣馮淳復建一在縣署右乾隆六年知

縣張照乘建一在天主堂三倉共貯穀二萬五千石一

在韻驛馬王廟左四營月支兵米於此縣志

預備倉一在七鯉鎮一在赤硃嶺一在苑田一在大坪頭

俱明洪武十九年建今廢縣志

大濟倉六座在府城東登雲坊收貯常平穀八千石乾隆三十年奉文歸贛縣併管實志

水次倉在西門外今廢實志

社倉八所在六鄉明萬曆三十四年建貯穀四千一百石國朝各鄉分建社倉五十八所貯穀一萬三千一百八十

石乾隆三十二年改建總倉於城鄉道中之梅林上排

沙河等處倉廩六十四座共貯社穀二萬五千七百四

十三石縣志

養濟院在忠惠坊明宏治間知縣何文縉改建於東郊天

竺山後徙城內廉泉亭左崇禎十四年知縣陳履忠移

於城東角東勝山後張志

老育嬰堂在縣治東縣岡坡下順治三年副都御史周清

原奏請建設地方官率士民捐輸為日給費五年因舊

令廢生祠為之今圯參張志實志

新育嬰堂在府前東街乾隆四十年知府吳山鳳倡率贛

縣紳士曹鎮陽高侯吳之炎等捐購民房改造存捐銀

二千八百兩有奇交商生息為養膳之資實志

零都縣

上諭亭在起元坊雍正十三年知縣傅誠以憲司行署改

建縣志

銀場酒務鐵務俱宋時建入元已廢縣志

稅課局舊在十字街宋為商稅務明洪武間知縣宋宏改

創為局正統間課不及額缺裁統於縣縣志

雩陽試院在承流坊嘉慶十五年知縣雷學淦率士民經

始旋去任牛廷炤繼成之內外二堂堂左右號舍坐七

百餘人東西餘地增為書院肄業舍邑人宋惟駒記縣志

國朝宋惟駒雩陽試院記國家甄別人材為典最鉅其制恆由縣試而郡試而歲科

試而鄉會試咸於試院較優劣衡黜陟而縣試尤士人

發軔之初上進之階也試院之設豈可以緩者雩都舊

無試院每歲試於縣署人稠而地窄應試者恆苦焉邑

侯雷公學淦蒞任兩載乃召集紳士創建試院未幾雷

侯去牛侯廷炤來攝縣篆復董其事諸紳士承二侯命

踴躍捐金三千五百有奇於是鳩工庀材建內外二堂

左右號舍坐次七百餘號自嘉慶十五年八月經始至

十九年春闈四年而後規制備黃君名哲竭力經營所

費不敷復捐金一千四百有奇以資其用乃克觀成道

光四年於後堂左右餘地增為書院房屋以棲生徒至

是牆垣完固夫一邑之興作有出於創始者有出於仍

舊者出於仍舊者為其易出於創始者為其難天下事

苟畏其難斯易者亦難不畏其難斯難者亦易雩自有

唐開科以來千百餘年未建試院大都畏其難耳夫以

畏難之故而使邑之應試者不免風雨之患擔負之勞

此良有司之所深恤也雷侯獨念應試之艱而急急為

此牛侯從而繼焉非千百年所未有之創舉而為其難

者歟嗚呼二侯之嘉惠士林者至矣今應試者咸頌二

侯之德而黃君好義急公身任其勞尤能解囊而不吝

憂事之不濟也予因記其巔末以告來者

鄉會所在城隍廟儀門右賈志

校場舊在朝天門外成化間知縣羅肆建宏治十七年副

賈志

雜建置

使李宗泗知縣高伯齡徙建西門外二里許萬曆十一年知縣劉昌祚修明末毀於寇

國朝康熙四十二年知縣盧振先重建操場在東鄉固院

參寶志
縣志

明袁慶祥重建演武堂記

洪惟我太祖高皇帝天授神武以一海宇首起斬黃轉畧

和陽飛渡采石定鼎金陵剪強吳殪劇長驅胡元坐收
陝蜀不數年而天下大定當時草澤之雄山海之魔望
風而降迎刃而滅者迨無遺類蓋自古開國之君莫之
敢競列聖相承休養生息深仁厚澤百三十餘年於茲
內寧外順民物阜豐竊自慶幸遭逢之盛者奈何邇來
山魃呈恠闕廣之寇亦竊發而盜弄潢池之戈斯蓋時
平則玩玩則弛此自然之勢亦自然之理也聖天子御
極勵精治理謂時平當嚴之以備民玩當繩之以法不
惟時理則然亦操御之機長久之術也乃勅天下諸司
整飭武備以勞爲逸地界戎藩者特命大臣宿重兵而

鎮之安不忘危之意益密益嚴虞界闕廣之區先憲副
滇南張公廷璧實始之張公嚴毅一切裁之以法無貸
而盜賊少戢繼而雲間譚公時英在平馮公信道俱濟
之以寬大亦因時弛張之意今憲副李公繼理以爲怠
則生忽忽生不虞乃時加程較而益謹焉零都舊無演
武之所張公始建於北門之外以練習民兵然地窄而
逼民居時宏治癸亥年冬公按零較武深病其隘不足
以振揚武威以大壯軍容乃遍相近郊得城西北隅舊
桑園之曠地形勢宏敞公甚喜卽命知縣事高君伯齡
規畫之事聞郡侯吳公珪繼遣照磨杜君召兼相其成
創演武堂三間兩翼前爲臺以樹軍幟又前爲門三間
中築前道又兩廂爲羣伍觀肄之所繚以周垣五百餘
堵環植榆柳一千餘株制度雄偉十倍前規於軍容大
有嚴助焉士民欣忭咸謂茲役不可以無紀羣請於高
君君深以爲然乃命余執筆故敢推原我列聖神武深
澤與公之體國憂民皆宜有書俾後有考公名宗泗字
希而四川成都人由進士出爲御史陞今官他日秉國
鈞澤天下尙當繼書焉

義倉在寬頭腦嘉慶二十一年知縣張湄捐俸買倉內外

八廩貯穀五千二十石邑人宋惟駒記

新

國朝宋惟駒義倉記

自古不能無水旱之災所恃者思患預防有以謀之於先持之於後

而為生民立命積貯者民命所由立也故救荒之法救於既荒之日其法猶人所共知而救於荒所未及之時其計為更預而人所鮮講漢耿壽昌傲李惺平糶之法立常平倉宋朱子請府得常平米六百石立社倉常平儲之在官社倉儲之在民或穀賤增價或穀貴減價以利農民或初行收息歷久收耗以便閭閻法可謂善矣我皇上愛民如子兢兢焉惟恐一夫不得其所常平社倉既命有司實力奉行所以加惠元元而撫綏萬民者至詳且備然而常平社倉之外尤有以資其不足而得積貯之道者則義倉急焉蓋義倉者輸之富民以濟窮民者也嘉慶二十一年制府孫公玉廷下檄州縣令士民捐穀立義倉邑侯張公湄承命為之維時士民踴躍得穀四千三百石侯乃捐廉五百金置買倉一所官外八廩歲歉即為照價發糶而其穀之出人則命劉君鼎桂蒲君成瓏司馬二君推陳出新復得穀七百二十石其捐穀者申詳上憲奉懇

聖恩視其多寡分

別矣賜給以職銜匾額蓋勸輸之餘寓鼓舞之法無非與人為善俾二三有力之家樂於從事而諸君好義急公並能相與以有成嗚呼制府能仰體

念民生之隱而邑侯又能體制府之意而行之不怠良可欽也吾粵地瘠民貧自嘉慶庚申慘遭水災凋敝尤甚歲熟尚可無憂一旦凶荒告警青黃不接有司而不為經畫幾何而不庚癸頻呼流亡相屬耶侯設義倉為民生計者美矣雖然事必期於無弊行之而善則民受其利行之而不善則陽存其名而陰虧其實此商君耕戰之策施於秦而效周禮泉府之道用於宋而敗也承其後者無使胥吏假手無使強豪染指庶免侵蝕之患而有休養之樂吾粵其自此而富庶矣乎

育嬰堂在縣治東訓導署右乾隆間知縣安穎新移建於

東門外嘉慶五年水圯二十四年知縣張湄勸士民重

建於北門外龍船坊塲頭腦邑人宋維駒記

縣志

國朝宋惟駒育嬰堂記

人之所以為人者惟此惻隱之心而已矣是心也稟於天賦於

性有是心則爲人無是心則非人也予竊怪乎予邑之俗多溺女者女之生也本吾一體人之於體未有不愛者一指未安必多方而保護之人而生子鞠育之願復之有疾病則銜恤之亦以其一體耳男一體也女一體也女與男奚別焉人不能以萬物爲一體本一體者而亦殘之何其忍也孟子曰今人乍見孺子將入於井皆有怵惕惻隱之心於人之子而有怵惕惻隱之心於己之女而獨無怵惕惻隱之心乎而忍置之死地乎然則人之溺女者何爲哉彼非無怵惕惻隱之心也蓋有所蔽也方其始也保抱提攜則厭其煩以爲此他人之婦耳奚爲用吾勞及其長也養則慮其無食嫁則慮其無資因此而遂蹙其生并其怵惕惻隱之心而亦歿之一念之忍成爲錮習嗚呼可哀也已易曰有男女然後有夫婦有夫婦然後有父子有父子然後有君臣有君臣然後有上下是父子君臣上下皆由此而出也女而可溺也天下將無人類矣予邑舊有育嬰堂頽廢者三十年邑侯張公涓深憫溺女之弊爰率士民輸金以爲養育費時得金四百兩命劉君鼎桂管君奕剛生息於城北建堂貧者不能乳女准其送堂收養二君敦實人也奉行不懈至於擴充繼續毋爲強豪吞併

後之經理者嗚呼侯可謂得保赤誠求之道矣雖然侯之意無窮而惠之所及有限零之人民衆矣是堂之資於人者幾何哉誠能體侯建堂之意無失其惻隱之心而盡以溺女爲戒則侯之惠雖不能徧斯民而育之而侯之功實徧斯民而利之其有濟於吾零也豈淺鮮歟

養濟院舊在西門外明洪武初知縣宋宏建萬曆二十一年災知縣黃應元建崇禎末燬

國朝康熙三十二年知縣趙懋改建於東城外四十年知縣盧振先復移於北郊邑厲壇左

縣志

信豐縣

考棚在清平門內所坡上大王廟左道光三年邑士公建廣九丈深二十七丈有奇前爲考棚後爲書院大堂外

爲東西號舍前爲頭門鼓亭屏牆左右爲東西轅門縣志

鄉會所在禾豐門內舊名會館乾隆五年知縣李翔麟撤

而新之二十九年改建桃江書院嘉慶三年又改爲文

昌宮縣志

校場在清平門外明正德八年主簿常綸建嘉靖元年副

使王度修小校場在城內西北隅參寶志 縣志

城鄉社倉四十四所共貯穀四千五百七十五石二斗七

升縣志

民義倉在城內外及小江鉄石大塘黃陂小河楊溪長安

桃枝長岡崇仙龍下楊坊赤土游州等處一十六所道

光十七年知縣張宗裕勸捐建其貯穀二萬五千四百

石零宗裕有記新

張宗裕尙義倉記予嘗觀鄉黨之中其老者銖銖累積

百年守之數百年而無有敗壞而爲子孫欲其守之

淫佚弗念祖父之貽謀或剝削侵漁不顧兄弟之凍餒

乃不十數年而同歸貧乏若此者何可勝道人謂其子

孫不克自保其家予謂其祖父無善法以使之守也邑

之義倉予旣爲之倡又得諸君子贊襄以成其事不啻

唇焦頰禿而後得穀若干數繼乃見城倉之落成又復

見鄉倉之悉成譬諸銖銖累積者無以異夫豈不欲留

之百年留之數百年者然非予以守之之法未可必其

法固有可恃而不可恃者由一邑而觀之一家家無賢子孫而祖父之蓄積不能久使後之典守者思經始之不易視邑中之人如其伯叔兄弟毋若秦人視越人之肥瘠漠然不關於其心勿令凶年而有菜色也而慎守之則義倉之積貯傳之數百年可也曷在乎予之立法廣文曰至矣哉請書之以告後之司其事者

軍戶義倉在大王廟右觀音堂前雍正三年十五船公捐

貯穀三百七十六石二斗四升

縣志

惠民藥局在縣治西明洪武間知縣趙仕宏建今廢

寶志

育嬰堂在清平門外老官廟左雍正間建

縣志

養濟院舊在寶塔寺左明正德間遷置禾豐門外左隅嘉

靖十五年知縣徐鑿修

張志

興國縣

上諭亭在訓導署右雍正間知縣梁聯德因書院舊宇改

建嘉慶間知縣伍彭年道光二十二年知縣余瑋相繼

修葺

參縣志
新增

潞江試院在縣治東卽文昌宮五賢祠寅賓館廢址嘉慶

十八年知縣俞之鈺倡建

縣志

校場在北門外二里許明正德十二年知縣黃泗建嘉靖

十四年知縣李菽修

寶志

常平倉貯穀一萬二千石分天地元黃宇宙洪豐日月盈

照辰宿列張寒來暑往秋收冬藏二十四廩每廩貯穀

五百石

縣志
增

社倉原額貯穀八石五斗雍正二年勸捐穀一千七百五十六石五斗九年知縣吳璋勸捐穀一千七百八十六石五斗分貯四關六鄉乾隆十五年積息存穀三千一百十九石九斗三十二年奉文建造總倉將舊倉板櫃變抵於關鄉適中之凌源均村龍坪等處修倉二十一座共貯穀七千三百九十二石有奇

寶志

義倉各鄉八所南隅普惠寺北隅鳳岡儒林鄉之憚院桐林龍砂寶城鄉之方坑城北灘上之五里亭共貯穀三千五百零五石

新志

稅課局舊在縣治西宋置稅務元因之明洪武間改稅課

司後改爲局正統初裁正德十二年知縣黃泗奉文重

修嘉靖十八年廢

縣志

惠民局在譙樓外明正德二年知縣曾選建嘉慶間知縣

盧宁修改名惠生局久廢

縣志

育嬰堂舊在縣治東雍正七年知縣白成李建失其址今

在東門內乾隆二十四年知縣鄧蔚林建四十一年知

縣陳椿年改爲育嬰書院五十四年知縣程玉樹移二

程粟主於此改名三程書院年久頽廢道光三年巡撫

程含章檄各州縣設立育嬰堂邑人江瀾呈請捐貲就

原址建造道光十八年知縣沈衍慶於此育嬰

縣志

養濟院在南門外舊為南社倉址明知縣賈思復建正德
十三年知縣黃泗徙迎恩坊東嘉靖二十八年知縣盧
宁修萬曆四十七年署縣事訓導何其良繼修

國朝康熙二十二年知縣黃惟桂修 參寶志 縣志

會昌縣

上諭亭在老東門內 縣志

考棚在縣治東街舊院司地嘉慶十七年知縣曾暉春倡

建 縣志

國朝會暉春新建文昌宮考棚記 會昌東南一重鎮幸未及余以國子師受

官茲土下車遍謁壇廟文昌宮之制闕如每歲春秋二祭于學之奎光閣而拜奠之次年春行科考事諸生

儿擔悅于俄門內者踵相接也而卓午陽曦晚涼過雨
蜂屯蟻聚求三椽之矮屋不可得又安問廣廈萬間耶
心然惻之試既竣集諸紳士于明倫堂而晉一觴焉謀
所以妥神靈廣文化者以為斯邑光緒紳士亦相與鼓
舞懽忻以成斯舉也詎吉于縣治之東壬申冬鳩工工
築至甲戌春告成前建鼓樓三楹置東西塾再進則儀
門三楹中為掄才堂堂之兩廡分別坐號後之正殿為
文昌宮夾室階陳咸備東為三代祠東之偏則考官校
閱之所暨茨丹雘翼然一新是役也費不下萬餘金成
不及十閱月董其事者則諸生劉鯤饒仁隆王茂廷等
纖悉不苟出納無私朝夕勞勤于其間厥功偉矣余不
敏承乏斯邑以千百年未舉之典與都人士觀厥成也
因不揣固陋而為之記

校場在縣西南一里許大甫田之右明正德中守備趙鉞

戴瑄陳偉相繼修葺隆慶四年知縣陳宗虞重修一在

羊角水堡城北一里許萬曆四年遷於湘水之北 寶志

社倉城鄉九所處臺輿圖積穀三千一百三十石今貯穀
一千八百六十一石七斗五升 參張志
縣志

育嬰堂在縣治東雍正七年知縣白成李建 寶
志 在高山腦

下首乾隆間知縣詹兆駒建今廢址存 縣志

國朝楊兆鳳育嬰堂記略 玉山董君二吉司訓會昌會
又穎上流人才蘊隆鬱蓄與

隴蜀等董君甫至即進多士而詔之曰人才之不彰由
教之無其道也耕者于畝買者于市散之不如其聚也
朝夕觀摩與居與稽焉古人造士庠校之遺意也于是
從堪輿家言移置學宮未已也修葺縣志以示旌勸未
已也乃因官署之缺度材鳩工建學舍一區于明倫堂
左顏曰育嬰堂費出捐俸縮入口之食不足則斂助於
諸生之有才志者董君身為率諸生踴躍以趨不數月
而堂成胥會士之才通一藝者皆得就有於甄陶之中
矣

養濟院舊在富尾翠竹祠側明洪武二年知縣周文秀建

國朝康熙十年知縣王凝命修乾隆十六年知縣戴體仁

修建地勢低下易於傾圮道光十一年署縣事宋挺移

建於西門外懷仁關 縣志

安遠縣

上諭亭在縣治南即嶺北道分司舊址雍正十三年知縣

戴彬暢建嘉慶五年知縣黃文燮修 縣志

考棚在大南門內道光十六年知縣陳雋倡建 新
增

校場在大興寺前明嘉靖間知縣吳卜相建

國朝順治十八年知縣倪衷復修太平操場在太平墟龍

頭操場在龍頭堡 參寶志 縣志

普濟倉在縣治皂隸房左乾隆十三年知縣董正倡建今

圮 縣志

社倉虔臺輿圖共二十二所明萬曆二十四年建貯穀一

萬四千七百五十石久廢

國朝雍正四年各坊堡建倉共九所貯穀二千零八石乾

隆三十二年奉文改建總倉於坊鄉適中之所倉廩十

座共貯穀四千二百八十五石七斗五升 參張志 縣志

養濟院在西門外塔下明洪武初知縣李玉建嘉靖三十

年知縣吳卜相改建於新校場

國朝順治間知縣倪哀復重修 寶志

普濟堂一在教場名將祠背一在教場東邊乾隆元年知

縣戴彬暢奉檄倡建七年知縣吳昉添建寢室廚房并

置贍租有記 寶志

國朝唐光文建普濟堂及幽房記 雍正十二年春捧讀 上諭京師設普

濟堂令老病棲息設育嬰堂養老存孤行文各省通都

大邑人烟稠集之處照例行之時署邑篆劉公彤議而

未行冬戴邑侯彬暢甫下車遵檄籌畫先於新龍版石

二堡查荒召墾得租四十七担三斗六升以租縮力獨

難觀厥成乃捐俸為帥傳紳士會議得安俗男女各自

養恤育嬰一堂可無庸設而普濟堂不可不立但無人
任其事因公舉光文總理偕同事勸捐田租共二十五
桶八斗銀三百九十兩零戴侯曰此項例交公正紳士
管辦仰諸君共坐文行之於是生息置產立普濟戶以
完糧建普濟倉以貯穀歲終造清冊以稽出入且曰新

舊交代附入交盤徹底澄清一并申憲查核乾隆元年十一月經始其地於西郊教場名將祠側若廳堂若傍房高若干深闊若干費白銀六十一兩零臘月工竣而就賑者衆居狹食寡施濟不敷奈何光文等爲之分別正散收養在堂爲正賑每名一年食穀四担八斗別有所處爲散賑每口春冬二季給穀八斗請於戴侯侯曰善雖然均屬無告而多寡異施難免怨咨不平卽經理者亦未免區處未周因不憚驚力籌息厯管數載層次增租共買田九百二十五把實租九十三桶共價銀三百九十八兩有奇頗有餘贏七年又於教場西側添建房屋十間廚房十間將散賑並收入正賑亡者除生者續給衣用葬劑量度支願生者庇之而死者暴之艱隱固如是乎爰支本息及自捐輸庀構一字書其處曰幽房二共糜金一百三十兩有奇而生死均有賴矣

隴南縣

校場舊在縣治北犁頭壩明宏治元年因水決遷於南門

外金鈎里

縣志

社倉度臺與圖積穀五千二百八十八石有奇今廢

張志

義倉在縣治旁道光十三年知縣周玉衡勸邑人徐民續

劉懷德等捐建倉廩十三間貯穀四千石邑人徐思謙

有序

新

養濟院在縣西明洪武元年建嘉靖間知縣施廷美遷於

校場左隆慶五年知縣文程改建坊內係金鈎里邑人

王世仁所施

張志

長寧縣

上諭亭舊在阜城門內雍正十三年知縣陶正士就分司

義學舊址改建

劉纂縣志

考棚在陽和門內嘉慶二十五年知縣李衢教諭彭景賢

倡建彭有記

劉纂
縣志

國朝彭景賢考棚記

監利李公來令斯邑期年政成毅
然有興建考棚之意以其事屬諸

余余知邑人志此已久有其啓之宜若桴鼓之嚮應願
邑治隘苦無基址惟汛防前後多曠地廟亦就圯乃謀
諸校尉馬公請遷廟稍北悉撤新之如舊制而卽其南
改建考棚校尉以爲可遂自令請於憲定其議屬邑紳
范君作輔曹君愈昇劉君同賡經紀之邑人歡附樂從
不數月捐輸之數至萬有奇由是擇木於山陶甃於野
興工之日則嘉慶二十有五年庚辰秋也三君晨至夕
歸程督毋苟毋緩凡爲堂深三丈有二尺廣稱之東西
號舍可坐千四百人前爲門外綵以垣後有廳有東西
廂又東爲庖廚皮器物之所西南爲樹風堂書捐建之
名氏其中屆成而監利李公遷官去晉寧李公至復以
石筓書院久敝壞申議考棚兼作玉屏書院並以捐輸
羨餘置膳田蓋校士於斯造士亦於斯一舉而胥得之
矣道光丙戌州漆旣施什物備具綜其材用工食之費

爲鈔九千餘緡邑人以余終始其間請爲記余惟賢令
尹嘉惠儒林慮周計遠鄉里之良勇於從義二三董事
勤敏覈實皆余之所樂道也遂不辭而書其顛末於石

校場在南門外

寶
志

鐵廠在圍子地乾隆三十九年商人嚴永盛以八付南橋

二堡溪內流產鐵砂呈請設爐鼓鑄知縣李廷佑援照

上猶縣例詳請奏建設爐四座後圍子地薪炭日少分

設西廂密裏橋二座復又分設滋溪珠粉角一座嘉慶

間咨銷西廂額爐

一在雙橋堡丹竹樓乾隆五十九年商人鍾常豐呈請

設額爐四座收買年遠礦石鑄鑄嘉慶十二年巡撫金

光悌因爭礦咨請銷革

一在鸞羅嶂珠湖地無礙廬墓嘉慶十七年商人賴趙

與以西廂屏風山出產礦石呈請開設大爐一座巡道

查清阿詳咨請建

以上劉纂縣志

育嬰堂舊在阜成門內道光十九年署知縣倪承璐捐俸

改建阜成門外

參縣志新增

養濟院在阜成門外邑厲壇前

張志

定南廳

萬壽宮在廳治北分司前乾隆元年知縣李化龍建二十

五年知縣胡澤洪重修

廳志

上諭亭一在車步墟乾隆二十二年進士鍾一誠捐建一

在下歷司墟岡口乾隆四十一年庠生黃魁等公建

國朝黃吉芬 上諭亭記

定南距郡最遠實為信龍二邑之障而下歷又為定南扼

要之區下連粵徼上接桃江東北毗安信昔為廣賊出人門戶素稱巖劇未建邑時已設司築城後復設營以扼江廣咽喉而司城中舊有上諭亭一所宣講

聖諭時行勸課於是乎在歲久圯頽謀修未果乾隆三十

十八年定邑改廳憲臺臨蒞百度維新同里父老乃擇司城西北橫牌地得請於官為建始計於是鳩工庀材闕歲而竣有亭有臺其上有樓官府之所至止父老之所瞻仰地無不具落成之具恭舉故典登樓四望則見

橫江如帶仙嶺如屏人烟環繞雞犬四達士農工賈怵舞歡騰以歌詠太平不禁喟然歎曰 聖朝重熙累洽厚澤深仁至使遐方之民共樂名教化架鰲而作其敬恭有如是者吾聞古之化民者在於磨揉其性漸摩而鼓舞之聳然動其尊君親上孝弟廉恥之心而後文之以禮樂導之以教化觀之於象魏月吉之懸遊之於

飲射燕饗之內使之觸目而心諭安行而自得至於久而勿壞而後爲化之成定南處禹山之中奇袤不至淫靡不生其化之也較易惟是土瘠民貧每歌鮮飽奸宄或因而扇誘官府誠能宣上功德廣布聖人所所以諭此愚民之意俾皆曉然爲性分之本然職分之所不容已以勉其儕類教其子孫淪洽已久外物莫奪則一司治而一邑治卽邑之毗近者無不治昔之負恃險阻以驅脅吾民者復何自而起則是亭之建所關豈淺鮮哉若夫飾觀瞻供登眺閭巷徵逐徒行故事宜非父老所樂聞者爰推本以告同里亭經始於乾隆四十一年春落成於四十二年秋勦其事者周淑宣賴越材暨予兄黃魁之力爲多亭上樓臺則三人所捐建云

校場在東門外明隆慶三年建萬曆九年典史李學敏增築十二年知縣章營修又太平岡操場在下厯堡隆慶五年都御史劉思問檄知縣陳時範建車步操場在橫江堡兩口塘操場在小石堡巡臈操場在潭慶堡劉峯

隘操場在大石堡

參寶志
廳志

社倉城鄉十二所雍正二年知縣邊溪三年知縣李化龍倡建乾隆四十三年分貯穀八千七百七十三石九斗

六升四合三勺

廳志

惠民藥局在醫學左今廢

廳志

育嬰堂在城隍廟側縣令吳邇立建

廳志

養濟院舊在城北明知縣章營改建於校場右今圯

廳志

